

四  
書  
湖  
南  
講

論語湖南講

一卷

論語較原刻多有改訂

錢塘寫寅

仁和柴世埏 錄測

錢塘施惟中 錄演

錢塘徐時泰 錄商

講內凡演處因論語原係口說與學庸著述者不同故純用俗語其記事無口氣如鄉黨類者徑不用演

學而第一

子曰學而時習之不亦說乎有朋自遠方來不亦樂乎人不知而不愠不亦君子乎

刪夫子形狀學中趣味以散動人悅樂不愠皆自己生平實受

一用處。故言之不覺其有味。何註。學者覺也。覺悟所未知也。朱註。學效也。後覺者必效先覺之所爲也。二義宜兼。謂效先覺以求覺也。習者重習。乃時常不輟此學。學記藏焉脩焉息焉遊焉是也。不亦者。謂世人所悅所樂之事非一。情欲嗜好多方。去討快活。若此學習與朋來。不也是悅樂的麼。不亦字。乎字。含決意於疑詞。不一直說定。正要待人自想。像學中原有自得之趣。功夫作輟。便扞格難入。既學能時習。則肯綮之深嘗。神情之酣適。常有獨得其趣而不能自己者。故必有悅。非徒此也。人情獨樂不若與人。與少不若與衆。朋是與我共學者。自遠方來。則我悅人亦此悅。其悅更爲暢快。又散而爲樂矣。蓋學中趣味。對着

臭味不投的人自難強契。唯是朋友方能與他相對。莫逆名教樂地。真莫有踰此者。人不知。不定是何許人。但不曉得我所學的皆是慍鬱悶意。此處稍有芥蒂。悅樂便爲他移動。至於不慍則養得此心。純是悅樂體段。人品方爲成就。故謂之君子。此君子亦以不亦言者。別處君子都論到功夫造詣。費盡苦心。此只就不慍看來。一味快活。也是箇君子了。三不亦語氣似淡實濃。似寬實緊。覺有手舞足蹈。口不能狀之妙。真快活。真快活。

演夫子說人那箇不要尋快活。若能爲學。而又時常演習。日漸尋出他滋味來。不也是喜悅的麼。有同學的朋友。從遠處來就我。大家受用着學的滋味。不也是快樂的麼。人便不曉得我的

所學。我沒有一毫鬱悶。心裡一團都是悅樂。不也是箇成德的君子麼。人試去自家尋討看。

商陸鳴時問學字。陸象山謂無頭柄說話。朱晦菴謂明善以復初。至近來講者。或指性體。或指心體。不知聖門論學。果是何事。答曰。學乃是論功夫。何必以主意裝入。夫子只因世上肯向學的少。故把箇學的快活處誘人。待他要尋快活。肯去用功。再與說主意未遲。王五咸曰。孟子論學。只在求放心。似心體之說。未爲不是。曰。看書若論道理。道理原只一箇。凡論學俱以心體言。有何不可。但聖賢語言之妙。全在字句變換。如化工賦物。雖同是一箇生氣。處處各樣。所以山河喬嶽。動植飛潛。光景錯出。卽

如人之面貌各各不同。若不論面長而短。處處道他是箇生氣。則盡人面者。那有許多異樣。今人不知看書。動輒論理而不顧其語氣。復安得有傳神之妙乎。曰。陽明先生以悅爲心之本體。何爲又取之曰。悅却不是功夫。說本體誠得。然要知口氣所重亦不在此。○王文垣問學以效言。恐依人作解。障已悟門。還從覺字爲勝。答曰。原學所昉。易文言學以聚之。書說命學於古訓。俱效字意爲長。夫子亦以敏事慎言爲好學。又十五志學。至四十不惑。不惑方可謂覺。則學雖究竟要覺。而初時必先於效。故二義難偏廢。曰。未有書契之前。如伏羲作易。有何效法。曰。天地變化。聖人效之。河出圖。洛出書。聖人則之。這不是效法。故云賢。

希聖聖希天。○王光濟問悅的光景如何。想已到夫子樂以忘憂處。答曰。此語亦徹上徹下。如樂以忘憂。如欲罷不能。如理義之悅我心。如浴沂風咏。如吟風弄月。難以一端說定。總因功夫之淺深。以爲得趣之淺深。人肯耐心於時習。自必知之耳。曰。畢竟學中見何妙處。會悅曰。學以求覺。偶學而未通者。如在覺寐中。不得醒豁。一覺則大寐忽醒。豈不喜悅。○譚貞默問朋來之樂。有謂証已之是。固屬小見。有謂成物之廣。似亦合聖人心事。今何獨以相對莫逆爲言。答曰。成物是樂的心事。莫逆是樂的景象。心事尚須推求。景象直堪描玩。曰。朋來甚多。焉能人人皆我。莫逆曰。高者機鋒相湊。固爲針芥之投。卑者雖未能盡情領

器亦有一二承當。纔知向學。便與俗人面貌不同。對之自有意  
味。○郭凝之問朋來之樂。爲成就後學也。人不知而不愠。將毋  
置人度外。而與所樂之心異乎。答曰。愠則未免有煩惱意。必至  
厭棄人。惟不愠。方能寬心平氣。循循引誘。此正善行吾之所樂  
者也。○張作楫問。此君子只一味快活成就。果可不用勤苦功  
夫乎。答曰。功夫未嘗不用。心境自是快活。此只頂不愠落脉。不  
必說及用功。一着艱苦。便失夫子自陳得趣之妙。

陽明先生曰。樂是心之本體。人心以天地萬物爲一體。忻合和  
暢。原無間隔。但爲客氣物欲。攪此和暢之體。始有間斷。不樂時  
習者。求復此心之本體也。悅則本體漸復矣。朋來則本體之忻  
合和暢。克周無間。本體之忻合和暢。本來如是。初未嘗有所增  
也。就使無朋來。而天下莫我知焉。亦未嘗有所減也。聖人亦只  
是至誠無息而已。其功夫只是時習。



有子曰其爲人也孝弟而好犯上者鮮矣不好犯上而好作亂者未之有也君子務本本立而道生孝弟也者其爲仁之本與

○何註曰

有子孔子弟子有若

淵自爲人至道生虛虛說箇影子本意只要卸到孝弟爲仁之本處其爲人也孝弟言他做人是箇孝弟的人犯上止是詞色抵觸長上作亂乃至行事肆爲叛逆不好者莫道不做這事併無欲爲之念也本立影着孝弟道生影着爲仁孝弟的人遇着親長能知痛癢不爲形體所隔便遇着天下人在在皆知痛癢更無間隔之處爲仁乃無人不愛而發念必從親長始故以孝弟爲爲仁之本

漬有子說。他做人是箇孝親弟長的。便渾身都是和氣。倒喜去衝撞長上。自鮮少了。既不喜衝撞長上。倒喜去造爲叛逆。一發決沒有了。君子只是用力在根本處。根本既能植立。而支分的道。自必發生。所說爲人孝弟。這正是做出仁愛的根本與。

商徐時泰問陸象山謂有子之言何支離。蓋以犯上作亂尋常人不爲。何必以之論孝弟。似亦說得好。答曰。固亦是。但有子不過借此形起。下孝弟爲仁之本。意不必過爲執着。○王明啓問。今人有辨仁爲孝弟之本。孝弟爲仁之本。二語何如。答曰。本字原不將仁與孝弟對。乃以仁民對孝弟說。孝弟爲仁之本。仁民爲仁之末。

子曰巧言令色鮮矣仁

測巧言令色。且莫太說壞。方與鮮字有味。巧言者。談言微中。可以解紛。口頭說得巧妙。令色者。滿面和氣。藹然可掬。其色最爲令善。這樣人待人十分親愛。有似乎仁。然外邊感覺熱鬧。多是在皮面上。糖抹未必能心內一體相關。故曰鮮矣仁。鮮訓少。蓋從言色上揣其心事而疑之也。

演夫子說。人若言語說得巧妙。顏色裝得令善。見着人感覺親熱。他心中倒或冷淡。所鮮少的是仁。

商虞宗瑤問。古今巧令之類。不止一端。如佞人利口。均爲巧言。諸臣媚子。皆有令色。何以只在假仁邊着。答曰。本文有鮮仁字。

故知其所假在仁耳。曰：仁以鮮言。豈巧令之人尚有仁乎？曰：固難謂絕無。亦未必尚有。但假處反要仔細着眼。故不與一言判絕。○湯自新問：仁是心德。今何以愛言？答曰：心德乃籠侗之言。仁義禮智無所不該。指性則可。若仁須與性有別。孟子言不忍人之心。正是此愛。正直訓此仁者也。曰：以不忍人言。近於作用矣。曰：不忍人之政。纔是作用。作用正從不忍人。心內引出方畧。豈可混擡仁於性內而濫推愛於用中？仁字論語言之最多。此爲聖門宗旨。學者所當細究。如顏淵問仁及子貢博施樊遲問仁。章通定叅看方得。

曾子曰：吾日三省吾身。爲人謀而不忠乎？與朋友交而不信乎？傳

不習乎。○何註曰曾子弟子曾參

淵身屬自己最易回護故每日之間必以三事省察其身忠是中心未發謂中吾之本心也人若肯將本心去爲人謀那有不盡信字言邊從人卽就言上說人若口裡果真實那怕心裡不真實習卽時習一時聽着師長好話非不動興去做不久便自厭倦不能時常習熟到底與我無干這三者有無俱不敢信故下三箇乎字爲自猜之意此合一貫章看忠恕卽忠信一貫之唯卽傳習但此則省察於平日彼則印証於一朝

演曾子說我每日把三件事查考自己的身子替人圖謀或不把本心去爲他麼與朋友相交或不把實話去對他麼傳受於

師或不會時常去依他做麼。這三件那一日能放得下。

商鄭尚友問信字舊指心與忠一例。今何以獨在言上說。答曰。信字若單舉卽兼忠說亦可。若與忠連舉卽俱指心說亦可。獨兩字對舉各有所屬。便須分別。曰爲人謀須忠心固矣。何以朋友獨屬信。言曰與朋友交言而有信。久要不忘平生之言。似於約信爲多也。然人若無心。怎會說話。言信卽是心。信不必說心纔是心。

子曰道千乘之國。敬事而信。節用而愛人。使民以時。○何註曰司馬法每歲出車一乘。千乘之賦其地千成。居地方三百一十六里有時唯公族之封乃能容之。

測道訓理乃經理其國也。敬事每遇一事卽把心對付着。如敬

敷五教之意。信謂號令之出。信實不爽。節乃限箇一定之制。如周官以九式節國用。定額之外。不使有溢。愛人待臣若民。視之如一體。句中都有而字。而者。抑又之詞。既有此。而又兼彼。非對舉也。時使。專爲農事。如春蒐夏苗。秋獮冬狩。皆於農隙以講事。而使之之法。則家不過一人。歲不過三日是也。

顏夫子說。經理千乘的大綱。一心對着政事。而又號令信實。節定了費用。而又愛恤那衆人。若有事使他不可妨農。把箇空閑時候。

趙劉亮采問。節用愛人。明是兩事。何爲非對舉。答曰。固是兩事。因中間有而字。爲轉語。故知其文法從不落。如有節無愛。則所

節者未免自私。又須愛人。方無弊。然此實不關緊要。又他處作助語辭者亦多。要不必執一。

子曰。弟子入則孝。出則弟。謹而信。汎愛衆而親仁。行有餘力。則以學文。

測弟子乃對父師之稱。不只是蒙養。看下面功夫。自幼學至成人。實終身繇之不盡者。弟乃盡其爲弟之禮。弟以出言不悖兄而指師也。父母生我之身。師長成我之德。恩當並隆。故兩則字文氣最緊。纔入使孝。纔出使弟。視此爲第一義。不少放寬。謹謂行之不肆。信謂言之不欺。汎愛如水之泛溢。遇人卽愛。不分彼此。親仁則於仁者。視爲骨肉。更加親厚也。行此數者。原無了期。



但事偶不值。是力無可用。而謂之餘。則以學文則字。文氣亦緊。非敦行便學文。更無一刻放逸。又如前言往行。見之載籍者。學之則可以簡束身心。開發識見。皆敦行之方也。

**演**夫子說做弟子的力行。此要緊。入在家。便孝順父母。出在外。便尊敬師長。做事謹慎。而又說話信實。衆人一樣愛惜。而又於仁者更加親厚。行了這幾件。若有多餘氣力。便去習學文藝。討求躬行的方法。不要待他一刻放閑。

**商**程開春問。出第何以獨指師言。答曰。弟當對兄。然入則事父兄。既出卽非兄矣。若泛指年長之人。又與弟子不相應。惟對師亦稱弟。而下文有學文字。固知此弟子。乃從師問業之人。弟卽

盡弟道於其師也。○柴世基問行有餘力。則以學文。似行先文後矣。至告顏子。則博文而後約禮。是學文當在力行之先。而此何獨不然。答曰。說話雖有次第。功夫卻是一齊做的。餘力學文者。隨所行空隙。卽去學文。則一日之間。其爲學文亦多矣。非必事事俱完。方去學也。至於隨博隨約。其事亦然。

子夏曰。賢。賢易色。事父母能竭其力。事君能致其身。與朋友交言而有信。雖曰未學。吾必謂之學矣。○何註曰。子夏弟子卜商。

測賢賢者。因其賢而我賢之。視賢人如美色一般。是把色移在賢上了。故謂易色。竭者。凡力所能爲。無不竭盡致者。推而極之。把吾身盡數交付與君。雖曰未學。不是真有人說他未學。乃抑

揚其詞以激起下句。深許其利學之實。故斷然說他是學的。至其果然會學與果然未學。俱不可知。總置不論。

演子夏說。賢人的賢。移換了好色。事父母。會得盡竭他力量。事君。會得委致他身子。與朋友相交。說話有信實。這等人。雖或說他不曾學。我看來。爲學不是這幾件。更有甚麼事。一定斷他是學的了。

商方如騁問。易色還是易其好色之心。如何把色移得在賢上。答曰。究實亦是移心。但本文只言易色。不宜加出心字。易乃以彼之美。易置於此。卽所謂六宮粉黛無顏色也。

子曰。君子不重則不威。學則不固。主忠信。無友不如己者。過則勿

憚改

測此總是論學。不字無字。勿字皆反語。獨主字爲正言。是忠信乃所主。而其餘特輔之者耳。不重者。語言輕佻。舉止躁率。器宇不能凝重。人惟凝重。使人不測其津涯。莫窺其底裏。自然望而畏之。若不重。則撼之輒動。挹之立窮。容易玩弄。覺無威嚴矣。從自己說。謂之不重。從人看他。謂之不威。無有兩意。固乃牢固。雖或有學。而轉於發洩。儲蓄不牢。安得有拳拳服膺的守。故所學不固然。此特從外貌窺之耳。其受病必在心上。故須要主忠信。忠是本心。信是實心。主者奉爲所學之主宰。提此一念爲宗也。友不如已。則矜長而善不進。憚是怕改。既怕改過。則護短而惡

不除兩者皆是爲學之大累。故曰無曰勿並。在所禁。  
演夫子說。君子若舉止不凝重。便沒有威嚴。所學的也容易走。  
作便不牢固。若要外邊好。須全把箇忠信的心。靠他做主張。又。  
不要相交不如我的人。有過失。切莫怕更改。這也是爲學的輔。  
佐。

商郭凝之問。學能變化氣質。云學不固。亦既是學的人。何不能。  
變化。反被他搖動了。答曰。此只在用功時。便不牢固。原不曾到。  
得手後。

曾子曰。慎終追遠。民德歸厚矣。

測終。卽書經之慎厥終。乃要之於後。遠。卽武王之不忘遠。乃測。

之於前。今人用情靡不有初。鮮克有終。只在一時間親熱。以後就不顧了。再久遠則忘之矣。若能相與到後邊。仍加謹慎。就是久遠也。常追想上去。此只就用情之厚說。民德是民間風俗。歸厚者都能用情從厚。趨向到厚中來也。

顏回子說爲上的。若能謹慎到後面。追念到前面。是這等情長。民間的用情。自都趨歸於厚了。

商

子食問於子貢曰。夫子至於是邦也。必問其政。求之與。抑與之與。子貢曰。夫子溫良恭儉讓。以得之。夫子之求之也。其諸異乎。人之求之與。  
○何註曰。子食弟子陳亢子貢弟子姓端木名賜。邢疏曰。敦柔潤澤。謂之溫。行不犯物。謂之良。和從不逆。謂之恭。主

奢從約謂之儉先人後已謂之讓

則子禽莫測開政之繇。故以求與兩端揆夫子。不必定把求字裝埋他。夫子之開政。亦不專在邦君就問入其國。觀其民風土俗。再入其朝。觀其朝會聘享。俱可知政。但如此說。止在自己識見好一邊。無了感通這一段。子貢所以將德容來說。溫是溫和。良是良善。恭是恭敬。儉是儉約。讓是謙讓。此就一時氣象而模擬之。因其德容非一端可盡。故着此數字。如堯典欽明文思安安。允恭克讓之意。有此德容。把邦君精神都收攝了過來。其告者固可聞而知。卽其不告者。亦可見而知。乃以此得開政得則。非無因至前。故卽以亢所謂求者目之。然夫子之求。又與人之

求異。則夫子雖求亦是妙的。其言似謔。而以形狀聖德。自有不可名言之趣。真所謂善戲謔者也。

演子禽問於子貢說。夫子每到這邦。必定聞得他國政。是夫子求問來的。還是邦君說與他的。子貢說。夫子德容有不躁的溫。不犯的良。不惰的恭。不侈的儉。不憊的讓。許多好處。把這德感通去。自然得將來的。夫子之求之也。另是一樣方法。其諸異乎。世人之求之與。

商柴世疑問。夫子德容之盛。既足以攝天下之精神。則當周流列國。宜能使人用他。不止聞政。而乃至老不用者何故。答曰。夫子一時相接。不由邦君不感動。及過頭。又未免爲他誘所移。這



也是人之常情。一時見正人君子。亦或傾心露膽。但轉背又依不來。所謂入聞夫子之道而悅。出見紛華靡麗而悅者也。

子曰。父在觀其志。父沒觀其行。三年無改於父之道。可謂孝矣。

測父在子無事可爲。止可觀其志向。至父沒則有行事可觀矣。觀行句虛。卽在三年無改處觀他。無改乃是人子心中不忍背親。故謂之孝。然此單論其善者。若不善而幹蠱。蓋愆自不可已。蓋彼乃值其變。而此只道其常也。

演夫子說爲人子的。於父在時。觀看他志向。能承順否。父沒後。觀看他行事。能遵依否。到了三年不改變父所行的道。纔是不忍背親。可道他是孝了。

(商)

有子曰禮之用和爲貴先王之道斯爲美小大由之有所不行知和而和不以禮節之亦不可行也

測前言禮貴於和後言徒和之不行正爲和申辯以見和之原屬可貴也用字與下由字行字總是一義禮有尊卑上下之分有登降揖遜之度等級一毫不可僭差如父坐子立兄先弟後主賓揖讓之雍雍皆是心安意適絕無勉強拘迫之勢何等樣和這纔爲可貴先王之道是究其制作之原制禮一因人情原以斯和爲美故人之小事大事俱率由之此卽發明可貴意有所不行不是全不行乃和間有行不通處知和者只知和之爲

美而和則一味和了去。絕不把禮節制之。如父子兄弟。要大家和煦。乃至坐立先後。俱不照序。又如朋友。要忘形畧迹。乃至箕踞笑傲。揖遜全無。如何使得。不惟在彼不能相容。我心下自是過不去。亦字正與前應言無和之禮。固不可貴。無禮之和。亦不可行也。

〔演〕有子說禮的作用。雖等級森嚴。實要和悅爲貴。先王制禮的法則。原以這和爲美。世間小事大事。都事由他。再沒有不行的。間或有所不行。只爲曉得和好。一味和將去。全不把禮來節制他。這便將和錯用。亦不可通行也。豈和真是不貴的。

〔商〕施惟中問。觀曲禮無不敬。則禮實是嚴的。有子恐人一意從

和思以禮維天下似立論還重禮上。答曰。子講是論道理我講要看口氣。但看禮之用和爲貴。斯爲美。小大由之。其說和的行處。何等着緊。有所不行。亦不可行。其說和的不行處。便覺寬鬆。所以該重在和上。

有子曰。信近於義。言可復也。恭近於禮。遠耻辱也。因不失其親。亦可宗也。

〔測〕信恭親俱是美事。亦須要做得停當。如信是與人相期許。見謂高誼。便容易不顧前後。信口承當。義者。事理之準則也。不近義。則後來事理窒礙。這句話。照前行不得。便難反復轉去。故必信近於義而後言可復。恭是待人謙下。見謂厚德。便容易不度。

彼已一味貶損禮者。交際之節文也。不近禮則降於詭譎。羞自內作爲耻。慢從外來爲辱。皆所不免。故必恭近於禮而後遠耻。辱親是加愛於人。本爲聯交。然必根於所因。因乃起因之處。或以同德相求。或以同惡相濟。須要審擇。不失其親者所因得人。而不錯寄腹心也。親如親戚之親。宗如宗派之宗。親之久卽爲宗。故必因不失其親而後可宗。可字近遠字亦字。語氣俱和緩不迫。

[演]有子說與人約信。傍着合宜的義。這句言語。方日後好復得轉來也。待人恭敬。傍着中節的禮。方自處遠了耻辱也。相交的因繇。能不錯用其親愛。雖一時偶然。亦可爲終身的宗主也。不

可因信恭親是好事便濫做利

〔商〕柴世埏問舊說謂所依者不失其可親之人將因訓依不確固須以起因為訓卽所云可親之人是將親屬在他人身上今講謂不失用其親愛乃以親屬於我此亦似有別答曰是

子曰君子食無求飽居無求安敏於事而慎於言就有道而正焉可謂好學也已

〔測〕無求安飽者把居食念頭盡情放下此畢竟心有專用另向一路奔赴此處自無暇及敏事是學問之事聖賢擔子千古程途定要在此生幹辦那容耽待故須急趨上前去做着力全在敏事處慎言不是全不開口體驗有得何妨於言只爲世人肯

說過頭話的。便是決不做事的。故行所未逮者。不可輕說。要須加慎。有道是學問已得手的。就正者。因恐用功有錯。亦是不敢自足。而有望道未見之意。故必傾心往就有道。以裁正我之所事也。如此。則其心無外馳。無中滿。悉凝注在學上。故謂之好學。演夫子說。君子心下。自有所爲。於吃食。不管求克飽。於居處。不管求安穩。只敏急去做學問的事。而謹慎於所發的言。又不敢自足。往就有道去取正他。是這等專心在學上。可道他是好學的了。

商蕭士瑋問。無求安飽。還是心下絕不好此。若謂心有他用。而不服及。則居食之根尚在。恐未必果能無求。答曰。初學豈便能

絕去其根。只是以所重奪所輕。如今習舉業者。一心爲着功名。他於晏安之情。飲食之奉。亦能置之不問。求道之士。大率類此。但爲功名者。得了功名。便依舊落在居食場中。此正如畜火之。暫息者。若求道。則原以爲道。初間念頭。因沒功夫。是在安飽上。迨夫得手。形色化爲天性。視世間紛華嗜慾。自一切味如嚼蠟矣。向後功夫。誠有到時。而初間則遽難作此好看話也。○蔣茂瀨問。常說言行分看。今把慎言。合着敏事。何故。答曰。論語中論言行。甚多。何爲每論言。必跟着行。且言不令盡絕。而止欲能慎。此可想見其意。蓋士君子主持世教。若一味箝口結舌。世道何賴。夫子豈令人爲此。只因人說話多。不顧前後。於學問中事。原



非實到這地而信口高談。便決不能反身去做。執此以觀道學之書。說得平實者。倒能實踐。說得玄虛者。倒未必實踐。所謂過頭話。好說過。頭事難做也。故所云慎言。謂未行之言。不可輕發。蓋慎言專爲敏行而設者耳。其他論言行處。總是一例。

子貢曰。貧而無諂。富而無驕。何如。子曰。可也。未若貧而樂。富而好禮者也。子貢曰。詩云。如切如磋。如琢如磨。其斯之謂與。子曰。賜也。始可與言詩已矣。告諸往而知來者。○那疏曰。詩衛風淇澳之篇。

「測無諂無驕」是對治貧富之法。若非加工學問。安能有此。可也。亦是道他好惟已這好。而又有樂與好禮一重境界。乃見竿頭更進之妙。諂者因不足而情媚。驕者因有餘而氣傲。貧是苦境。

樂則自有天趣。絕不爲貧所苦。好亦是樂。但富原是樂境。單說  
好不得。惟好禮。則所樂不在縱欲。而在謹度矣。這樣人。心胸別  
有趣味。眼前貧富。却如不關我事一般。較之無諂無驕與貧富  
作對頭者。天淵相隔。故謂其未若。卽此便見學問等級。無有窮  
盡。故子貢引衛風之詩。以咏嘆之。爾雅以切爲治骨。磋爲治象。  
琢爲治玉。磨爲治石。今連用來。總是喻學之已精益精。意凡斯  
字。必承上有指。卽謂無諂無驕。不如樂與好禮也。其悟處自在  
言外。詩多含蓄。非觸類難通。可與言詩。意解在下。往是理之言  
過的。卽指樂與好禮來。是理之方來的。卽指切磋琢磨。謂之往  
來者。理路原自相通。纔舉起一端。而相類者已躍然心目。勃乎

其來知來則能觸類而知之也。此因子貢善悟。故許其可與言詩。然亦只是聞一知二之見。

〔演〕子貢問說貧窮沒有詬嫺。富足沒有驕傲。這等人品怎麼。夫子說。這能對治得過。儘使得了。但還不如貧窮自會快樂。富足好着禮制的人。子貢說。賜不料學問這等無盡。詩云。如切如磋。如琢如磨。已精了。更要求精。其卽斯無詬無驕。不如樂與好禮之謂與。夫子說。如賜這等人。方纔好與他說詩了。告他說過的貧富。便曉得方來的詩旨。心下是這等善悟。

〔商〕陸鳴勲問。處貧富是學。知義理無窮亦是學。詩特引來一証。非到此纔知也。舊說論學知詩句。恐未妥。答曰。詩固是素曉得。

的。因處貧窮。觸起引來。則此時於詩。又覺有一番眼前光景。便說論學知詩。亦有何礙。○張作楫問。時說斯字。不指定上文。要推開說。摹寫他恍然有悟之意。答曰。據經書中斯字。那有一處是空說的。曰。吾斯之未能信。曰。此斯字。卽上仕字。凡斯字俱虛。上文所說者便是。其恍然有悟意。自不可少。然却不在字眼上。幹旋。○吳應旻問。子貢引詩。是能善悟不窮。故以告往知來。與之非如舊說。指看已言未言也。答曰。因未言不貼來字。故易以理之方來。然究實論之。舍却貧富及詩。則往來字。更何所指。且此原非大悟。不必說玄說妙。其大悟乃在多學而識章。子曰。不患人之不已。知患不知人也。

測思是心之憂慮。不得求得。乃精神結聚處。不患人不已。知不  
是棄置世人。任他迷昧。但將已不知人。照看。則更有要緊一着。  
在。蓋人不知我。雖於接引之心有孤。而於我本體。猶無加損。若  
我不知人。則吾心先受其汨。而於礪世資身之道。其舛又不  
待言矣。相提並論。緩急較然。人生平學術。全靠此一片精神。那  
得有閑心。且去浪用。故不患人不知已。只患已不知人。人不已  
知。要人知我好處。則不知人處。亦在好一邊。蓋人之造詣。若高  
我一分。我便不識得他一分。顏子未得善誘。猶患仰鑽。此真學  
問中所最急者。

演夫子說。世人都要人曉得我。倒不愁人不曉得我。只愁我心

下不明白。不會曉得人也。

商徐世濂問。謂何知人。只在好一邊。答曰。因患不知人。緊緊與不患不已。知相打。故俱屬好一邊。卽學者用功實益。亦該向着知人好邊。不該向着知人不好邊。道理自是如此。○羅應垣問。在知人上用功。不幾方人乎。答曰。此要看他主意。若主意在品題。便是方人。主意在資益。便是爲己。

### 爲政第二

子曰。爲政以德。譬如北辰。居其所而衆星共之。

測爲政。不外條教號令之施。但此是虛套子。當不得實事。總乃體諸身而有得者。以此爲政。是以躬行者。貫徹於條教號令之

中也譬如北辰居其所正喻爲政以德而衆星共之乃是喻民心向往王游云居所如天之磨心然其傍則經星隨天左旋日月五緯右轉更迭隱見皆若環繞而歸向之觀此則衆星若無北辰居所便如無心之磨如何轉動得來德者人所同得卽是衆人的磨心握此方能令衆心轉動羣黎百姓遍爲爾德如星之拱矣此不是無爲民歸之說

〔演〕夫子說做正人的政若把自己的德去做譬如北辰居在樞紐處那四面的衆星便都拱向依着他轉動了

〔商〕願若羣問爲政以德似謂我欲正人之不正全在於德不用條教號令插入何如答曰條教號令正是爲政之具若舍此將

以何物頒布天下。曰：夫子嘗說唯孝友于兄弟是亦爲政。曰：彼因答不仕，故只虛論其理。此既說到民歸，則須實舉其事。只看古來帝王如堯舜之德，亦必治曆授時，明刑敷教，封山濬川，省方觀岳，何曾有廢條教號令而可爲治者。但政合着德便是好的。離了德便是不好的。所爭只在德上。○宋存標問：居其所，原以不動解，因何不用答曰：只一不動，如何便能感化天下。曰：感化意已在爲政以德。此正所謂不疾而速，不行而至。曰：此止解得居字。所者方所，明是個樞紐。惟居在樞紐上，所以轉移得天。下動曰：以北辰爲樞紐，衆星隨之轉移，似指斗杓，非指北辰。曰：北辰考証紛紛，正義亦以斗爲北辰。總之天文非予所能曉，止



取其與書相貼者用之。故今從玉海之說。

子曰詩三百一言以蔽之曰思無邪。○邢疏曰思無邪春秋駢篇文

測蔽是遮蓋得盡。大凡六經之書。易春秋其言微。讀者未易解。悟書禮其言顯。看去便了然曉得。不動人想頭。惟詩觸事感懷。托物比興。所言在此。而寓意在彼。使人抑揚反復。低徊不能自已。所以說個思。然詩有邪有正。思何以能無邪。大凡要人爲善。若劈頭直說其意。易盡。惟旁引曲喻。邪正雜陳。待人一唱三嘆。緩緩思量。浮氣躁心俱已過頭。自然好的歡喜。不好的嫌憎。動起向善之念來。卽如同一情恣。關雎何以爲好。述鄭衛何以爲淫。蕩平心思之。難道肯以關雎爲不如鄭衛。卽此一念便是思。

無邪故謂一言足以蔽三百之旨。

〔漢〕夫子說詩有三百篇。這許多却像不一樣。只消一句話把去遮蓋了。那一句。糸頌騶篇說思無邪便是。

〔商〕王師濟問。昔人以申公小序爲據。謂鄭衛淫奔。褻狎之詞。皆賢士大夫所作。似詩中原非有邪也。答曰。桑間溱洧東門等詩。小序所無。安見不是淫詞。曰。淫則何以不刪。曰。情之所鍾。聖人不能滅也。故齊王好色。而孟子云與百姓同之一情也。聖人以之同人。賢者以之制已。曰。如此不幾於導淫乎。曰。發乎情而止乎禮。詩之教也。縱情則爲不肖矣。故云思無邪。

子曰。道之以政。齊之以刑。民免而無耻。道之以德。齊之以禮。有耻

且格

淵凡人去惡從善全靠這羞惡之心爲上者。但提得百姓這點心出。則人心風俗之美。如田單火牛。自住不得。道是引他一條路。禿政卽爲政之政。齊如切物。剗然整齊。刑則因其背政之輕重而加之罪也。此時法令嚴密。民求免於刑罰。亦不敢爲犯法之事。但無有耻心。若刑所不及處。便不可知。此亦非輓近易及。如唐太宗時。外戶不閉。行旅不負糗。便是德。卽爲政以德之德。把吾身做個榜樣。禮則冠婚喪祭之類。皆有箇品式。使賢知得。以俯就愚。不肖得以企及。卽德之頒布於條教間者也。德禮本人心所同具。今旣激發其心。則稍有不類。必知慚愧。善良者一

觸卽動卽不率者當此風行俗美彼我相形亦必惜身無地矣格乃感格之格把上民免無耻照看將心匿過明是與君隔絕今有耻則直厭肺肝君以心感民以心應非感格而何此等治化如孔子相魯沈猶氏不敢朝飲其牟是登刑法政令之所及哉然德禮未嘗廢政刑政刑亦未嘗廢德禮但所尚在政刑遂爲政刑之治所尚在德禮遂爲德禮之治

**演**夫子說人君一樣要百姓好若是引道他把個條約的政整齊那不依的把個罪罰的刑是這等百姓一定怕懼要免於刑罰其實不會羞耻自心下過不得若引道他把個身體的德整齊那不依的把個品節的禮是這等百姓看見好處便有了慕

耻且能心相感格。這都是要百姓好。還該用着那一樣。

商孟師尹問格字。有以就格式訓者。字義原有其兩解。他處云感格。而此云格式。似不必定要相同。答曰。一字具二義。固有之。但格字只可訓格式。加一就字。便須添補。惟訓感格。則就格式意自無不該。卽如七句有苗格。只說感格。而來歸意已寓。曹觀文曰。感格必積久。乃能似耻心一動。未便到此。曰道德齊禮。你知道夫子限他多少日子。

子曰。吾十有五而志於學。三十而立。四十而不惑。五十而知天命。六十而耳順。七十而從心所欲。不踰矩。

測此夫子自叙一生所學。繇粗入精。繇精入化。總一爲學中有。

此漸證之階級。夫子本天縱聖人。爲何復假於學。要知生知安行是本質。日就月將是功夫。若不做功夫。則本質亦虛而無用矣。十年一進。夫子必無虛言。今就其言。揣之學。卽時習之學。志者。決定主意。念茲在茲。一心向着這學上。更不爲他務分心。立卽立於所學之中。自志學後。更加操鍊。則心與理打成一片。絕無出入之端。卓然植立矣。不惑。不是事事物物之理。凡所學爲何事。必有本領處。前此非無所見。尚在想像。能立以後。更加體認。則實到此地。自見得分明。不復疑惑矣。天命卽詩維天之命。於穆不已。書上帝降衷於下民。若有恒性。乃上帝所付予者。與之契合。天命詳訓中庸章內知天命。又從何處證入。知性則知天。不惑是

知性從知性上。又加參究。直徹源頭。卽知天命矣。這四句。譬如有一好山水處。志學是一心要去看玩。立如身到其境。不惑如就中景致。一一看過。知天命如將山川風物。剗始緣繇。俱已識透。學至知天命。已無可進步。過此止須逐漸消化之耳。耳順是聲音入耳。不假思維。自然通順。所謂廢心而用形者。從心所欲。隨起一念。身之所行。自合於矩。不相踰越。矩所以爲方之器。卽方法也。此又是廢形而用心。顛之倒之。無所不可。耳順從心。俱是化境。謂何。又有十年之隔。蓋耳順在知一邊。無形迹者。化之易。不踰矩在行一邊。有形迹者。化之難。故耳。此章中庸可以印證。志學卽擇善。立卽固執。不惑卽明誠之人道。知天命卽誠明。

之天道耳。順卽不思而得。不踰矩卽不勉而中。有在知邊說者。有在行邊說者。功雖彼此互該。而意則各有偏重。固不宜泥於分析。亦不必強爲渾融。

〔演〕夫子說。我自十五時。便一心向着學上。思量個終身着落的所在。到了三十。方纔沒有起倒。念頭能立得定。到了四十。方纔能明白得這件事。沒有疑惑。到了五十。方纔識透了上天的明命。又到六十。但耳裡聽得的心。下不消思量。便已順溜。又到七十。但隨着心裡要怎的。身子不消照管。便已不越過了矩度。從今向後。不知又有甚麼光景呢。

〔商〕王三錫問。自志學至不踰矩。畫定十年一進。似太執着。看來



此章是夫子想着從前光景。謂十五志學。自謂能把持得定矣。到三十纔立。而後知十五時。猶未能拿着些子也。立時自謂有定見矣。到四十纔不惑。而後知三十時。尙未能見一班也不惑。自謂大悟矣。到五十知命。而後知四十時。尙未透宗也。又進之至耳順。而後知五十之猶未化也。又至從心不踰。而後知耳順之猶假於耳也。寫出從今恍然自失之意。是否。答曰。此是遽伯玉行年五十。而知四十九年之非。乃賢者改過不吝的學問。在夫子生平。只說何有於我哉。是吾憂也。止是望道未見。歉然不足有之。若追悔自失。竟無證據。○蕭士瑛問。陽明子謂孔門志學。志不踰矩之學。龍溪謂聖學先於辯志。不踰矩。卽志到熟處。

或又謂聖人初年便志在知天命或重志或重矩或重天命孰是答曰凡章內提出一字貫串。雖理或可通而口氣終不肯不如顧文散散說去。惟學字原是體侗字義或川之亦不礙。○李調鼎問使夫子再加十年難道更無進步則不論矩亦未可說定但七十後更進不知其造詣又何如答曰易云過此以往未之或知也聖人亦預料不得我輩如何能道。○董玉燦問知行合一其化如何分難易答曰知原有兩樣。宋儒謂知先行後陽明謂知行合一。蓋行先之知是見解行後之知是證悟。行在中間知是徹首徹尾有的。宋儒執見解爲知遺了證悟。陽明執證悟爲知畧了見解。今且就見解之知看起來手時必先知了方行。

則化境時亦必先化了知方化行。○洪嗣廉問：夫子既是生知安行，謂何又要用積累功夫？答曰：生知如明眼人，亦必要將眼歷歷看過，方纔見得，不謂眼明便可一覽俱盡也。安行如健足人，亦必要將足步步行去，方纔到得，不謂足健便可一趲直至也。夫子孫志學至不踰矩，其用功當亦如是。

孟懿子問孝，子曰：無違。樊遲御，子告之曰：孟孫問孝於我，我對曰：無違。樊遲曰：何謂也？子曰：生事之以禮，死葬之以禮，祭之以禮。○  
註曰：孟懿子魯大夫仲孫何忌。樊遲弟子。樊須。○左傳：孟僖子曰：禮人之幹也。無禮無以立。吾聞將有違者曰：孔丘，聖人之後也。我若獲沒，必屬說與何忌於夫子，使事之而學禮焉，以定其位。故孟懿子與南宮敬叔師事仲尼。

○測：懿子之父僖子臨卒，令懿子學禮於夫子，此因問孝而告以

無違似有隱意。蓋欲其無違悖學禮之遺訓也。懿子未必能達而不再問。故復語樊遲以發之。三家僭禮既越於分外。則分內又必有缺遺。禮字內太過不及俱可該得。雖意似指三家語氣只須寬說。

〔演〕孟懿子問孝。夫子說孝親只不要違悖。偶樊遲爲夫子御車。夫子說適纔孟孫問孝於我。我對他說無違。未知省得否。樊遲問說這是怎麼解說。夫子說只是依禮行去。父母生時奉事他。也把這禮。死時殯葬他。也把這禮。祭祀他。也把這禮。

〔商〕

孟武伯問孝。子曰父母惟其疾之憂。

○何註曰武伯懿子之子仲孫武

測此以父母至情悚動人子。如今人子與他說父母要你做好人中人以下。例必漠然。若說父母愁你疾病。必無有不動心的。此是人情最真懇處。而惟其二字尤爲激切。但看父母於子。要他立身揚名。保世亢宗。所憂何止一端。然一遇有疾。便百念俱廢。只要病好。卽不肖子平日十分惱恨。到此一切難提也。割捨不下。要去看顧他。可見父母之心。單單獨獨。只此憂疾之念。此爲吃緊。世間人子愛父母的心。如何及得父母愛子的心。來諺謂養子方知父母恩者是也。人能知得父母愛子的心。則人子愛父母的心。自不待言。至夫守身惜行之說。猶落第二義。

演孟武伯問孝。夫子說。你要去孝順父母。父母並沒有別樣在。

心。單單只把兒子的疾病來憂愁。這心腸好迫切。

西方如驢問人情有所耽戀。便連身子也不顧。怎肯還想着疾病。知道父母的心腸。恐於此未必盡皆動心。答曰。有所耽戀。或爲着富貴。爲着好色。爲着嗜欲。一時誠有不動心者。向使置此身於異鄉飄泊之秋。患難顛沛之際。人窮則呼父母。此時語以父母在家。恐你愁出病來。必定悲哀哽噎。如不欲生。亦是人情之所必至。而不可謂盡無也。

子游問孝。子曰。今之孝者。是謂能養。至於犬馬。皆能有養。不敬。何以別乎。養如字讀。○何註曰。子游弟子姓言名銀。

測今之孝者。是說如今人的孝。是謂能養。只是謂其能養。自養。

以外皆所不論此等處通俗相沿已成結習若不痛與說破何  
繇提醒故以養犬馬與養父母對較正使與世相安不覺者一  
時聞此猛然怵惕原是通世人論非爲子游而發不必曲爲回  
護

〔子游問孝〕夫子說如今孝順的別樣再不提起只是說他會  
把食奉養若只會奉養便到極賤的犬馬也都曾有食養他父  
母不加敬將甚麼與他分別呢

〔商〕

子夏問孝子曰色難有事弟子服其勞有酒食先生饌會是以爲

孝乎食如字讀

〔測色〕是對親的顏色。是宜和順。喜時見父母。固愈增懽悅。卽抑鬱惱怒時。見父母。亦自回嗔作喜。此皆繇於心之愛親。使然。觀人做一事。虧心顏面。卽爲發赤。象入舜宮。畢竟忸怩。可見色必根心。自然而然。不繇勉強。故惟此爲難。服勞奉養。皆是易事。正與難處相反。故不足爲孝。

〔演子夏問孝〕夫子說人子對親。惟獨顏色裝不出的。最是艱難。若有事。弟子服役。他的勤勞。有酒食。奉與先生飲饌。曾只是這箇。便把來當得孝麼。

〔商〕

子曰。吾與回言終日。不違如愚。退而省其私。亦足以發。回也不愚。



言言  
○何註曰。同弟子姓。顏字子淵。

淵與言終日。正該有疑可生。辨難。回止有聽受。絕不見他言語。違迤轉來。這不違。正是無言不悅光景。夫子豈不曉得。但一直說破。便不見得他。韜斂不露。所養之深潛。故抑揚其詞。以狀之言。這等不違的模樣。就像不明白的愚人一般。私不定是獨處。但非進見請問之時。便了。發是將所言的。見之躬行。發揮出來。固亦不廢講明而證之。請事斯語及語之。不惟還指躬行爲多。亦字從如愚上來。言愚者多不能發。他倒也儘足以發揮。寬緩其詞。大有潛思徐玩。口不能狀之意。惟能發。便見其不違時。心下已自明白。不是愚的了。凡人聰明擺出在耳目上。一望可見。

者其中藏必易盡者也。今回難測如此。則其所養更可想見。語言之外。

〔演〕夫子說吾嘗與回說話。到終日良久。他並不違逆。恰像個愚人。全不曉事的。及至退去。我省察他私居。倒也能會發揮我的說話。這等看來。回也不是愚的。一貌間幾乎錯會了他。

〔商〕羅伏龍問時說愚作好字。眼着謂惟愚故不愚。此固非夫子語意。而王龍溪又言與聰明人最難說話。謂何亦有取愚之意。答曰。聰明人要執意見。故不好。若聰明者。舍去意見。愚的如何。及得他至愚字。看作好字。乃莊生之談云。知之淺矣。不知深矣。孔子口中。何常有此。○艾南英問。終日不違。與夫子六十耳順。

若有差別則順與違反安可謂不違非順若無差別則夫子何  
遲而顏淵何早耶答曰顏子所聞乃夫子之言說的既是有理  
聽的又具信心兩下自相順受若夫子則隨外邊一切所感如  
滄浪之歌萍實之謠人所易忽而夫子觸着便能有省此與不  
違安得無別○史乘古問夫子豈有明知顏子而又加退省或  
者回固深潛體道未易窺測故必退省方知之乎答曰你說顏  
子深潛不易曉在顏子固高然因他難曉便窺測不出又反低  
了夫子且退省非真為地去窺測他只是在我心上的人一時  
故不意下就日用間常常一着眼便是

子曰視其所以觀其所由察其所安人焉廋哉人焉廋哉

淵以訓用人各有作用。所做的事便是視。乃大畧一看而趨操得其槩矣。由訓從是起因所在。如同一做事而所起根因又各不同。觀則卽就所以加詳耳。安者安適其所行。手舞足蹈不知其然而然者。謂之安。若鞭策其手足竭蹶而前。則出於勉而不可保矣。察則從以處。又加詳也。由與安俱不在心意上。看人心無形無聲。如何看得有此心術。必有此行事。誠中形外。莫顯於此者。只就行事處看。以由安一時俱備。視觀察亦可一時齊到。故兩言人焉。廋者。匿也。正決其心之畢窮於貌。而無藏躲處耳。

演夫子說。要曉得人。須視他的行用。操何術業。觀他的經由。從

何起因。察他的便安。得何趣味。有這幾樣看法。人從那裏度。匿哉。人從那裏度。匿哉。

〔商〕吳應旻問。所安照所以所由之善否。則所安亦宜該善不善。當云安於善。安於不善。纔於所字體貼得來。答曰。視以觀由。亦只從善一邊說。提起好邊作主。反此卽是不好。自無躲閃處。且所字正指以由安所在。非謂善不善也。○鄭尚友問。觀人者。似必觀其心意。所從來。方無躲閃處。今以由安俱從事上看。何故。答曰。要觀人心意。難道剖開他肚皮來看。少不得人的心思。意念。就擺在人面貌眉目上。小人肺腑之見。卽不出掀然揜者時。子曰。溫故而知新。可以爲師矣。

一測此全要人開悟頭故與新是活套字眼不必指實只從前已知的是故溫者不令放冷卽時習之學因溫故上觸起悟端於平日所未知的忽然了徹是爲知新此如顏子因文禮之竭才而見卓爾者大凡爲師須因病發藥執死方療活病常至殺人惟因故得新則心地圓通必能隨機指點保不錯引了人故可以爲師若以所叩不窮爲言還是落後一着

〔演〕夫子說把原曉得的故溫習他而於未曉得的新能觸發起來這便是有悟頭的一定會指點人好做得人的師了

〔商〕魏士準問故字時講指心說卽所謂故物者似亦援本之論何如答曰心之故物亦是但可盡拋開見則夫子當日何不以

生知自任。而云學知。云好古。爲此說者。總爲要看得玄妙。不知妙處正在知新。到知新時。方是吾心實有證悟。若溫故則或從性地。或從見聞。所借之筏。各隨根器。安可執定一格。

子曰君子不器。

測易云形而下者謂之器。禮云大道不器。凡落才枝事功。執而不化者。俱命曰器。君子雖功能遍天下。而形迹盡化。不以才技顯長。不以事功滿念。故謂其不器。若使伎倆外見。則屢中之子貢亦止以器稱。又若意氣內溢。則如仁之管仲。更不免於器小矣。

漁夫子說。君子於伎倆都融化了。不落個形器。

商

子貢問君子。子曰：「先行其言而後從之。」

〔測〕問君子是要討個做人品的方方法。夫子教以不必遠求。只在口頭便是。凡人言語不特聖賢句句合道。卽至愚不肖在人面前亦能說幾句好看話。但纔到行上便與說的絕不相類。其言者卽其自己口中所言也。人只須把自己所言的。且不說出。先着實行將去。待行後方以言從之。何人不成個好人品。蓋人生受害處。固在此言。得力處亦在此言。正要借以自飾。非重行輕言之說。

〔演〕子貢問君子。夫子說君子不說空頭話。先把自己會說的實



落做了。方隨後去說出來。

商張大烈問：「先行謂隨其所言而先行之，則世有下流之人，甘爲放僻邪侈之言者，固不足論。如鄉愿說生斯世也，爲斯世也，善斯可矣。此等說話，豈可行得？」答曰：「不肯的人，言涉自己，無不放僻。若旁觀議論，仍會說好話，曰：『鄉愿的言，恐難道他好。』曰：『鄉愿若不說些好話，人如何肯聽？』卽生斯世也等語，出自鄉愿，則爲媚世。若正人君子言之，亦未見不是。」

子曰：「君子周而不比，小人比而不周。」

淵周者，周遍。無人不愛。本出於公比者，比附彼此，相爲依倚，本出於私。但在形迹上，則皆似親愛，故言此以別之。

濱夫子說君子待人周遍。却像比附。其實不比。小人待人比附。却像周遍。其實不周。

〔商〕柴世基問。而字舊說俱作厶字。觀貼過。謂周自不比。比自不周。一直說下。今講獨作轉語者。豈以周比易相混。故有意以辨別之耶。答曰。然。不特此也。卽如和與同。驕與泰。皆以其容易相混。故下一轉語以別其異。如矜與爭。羣與黨。又以其容易相涉。故下一轉語以表其難。凡用而字處。有一轉語氣。定亦有一轉意思。然亦有直說下者。如本立而道生之類。不必盡拘。

子曰。學而不思則罔。思而不學則殆。

〔測〕學若單舉。兼思在內。此學與思對言。止是憑着見聞。模倣成。

法去做。一味學人。不將來自已思想。縱然行過。終是心下不明。  
白的。因者有所蒙蔽於外也。此如暗中跟人走路。不會識認路。  
程一般。思則將心去想。一味懸空憶度。不傍個成法去做。縱然  
思到終。是心下沒依據的。殆者有所杌杌於中也。此如想着走  
到某處。不會實落走過一般。學多爲求修。而所乏者悟。則其修  
亦是盲修。思多爲求悟。而所乏者修。則其悟亦是影悟。後世或  
尚修。或尚悟。各聚兩家之訟。不知正室相濟。不室相攻。夫子早  
已道破。

〔演〕夫子說。功夫有分不開的。若只學樣去做。不心下思想。到底  
不得明白。便爲罔蔽。只心下思想。不學樣去做。到底不得安穩。

便爲危殆。

商羅伏龍問學而不思則罔。似學思不可偏廢。而又云以思無益不如學也。却是謂何。答曰。凡單舉學該得思。單舉思該不得學。故將偏在思一邊的。以學收之。非謂可徒學而不思也。

子曰攻乎異端斯害也已。

測攻字以攻其惡。鳴鼓而攻。看當作攻擊。端則未至顯然相背。不過端倪微有不同。此際能潛消默化。猶可泯於無迹。若直加攻擊。則因一異之端。而相激相爭。至於無所不異。構釁敗謀。害且立見。曰斯者。速其詞也。

演夫子說攻擊那相異的端倪。必定因小異激成大釁。便有患

管子

商

陸象山曰。今世儒者。類指佛老為異端。孔子曰。攻乎異端。孔子將仇敵。未入中國。雖有老子。其說未著。却拾那個為異端。蓋異字與同字為對。雖同師堯舜。而所學端緒與堯舜不同。此所以為異端也。有人問吾異端者。吾對曰。子先理會得同底一端。則凡異此者皆異端。

子曰。由。誨女知之乎。知之為知。不知為不知。是知也。○何註曰。由弟子姓。

仲字子路。

淵子路。平日聞斯行之。未免信奉。聞見太過。而不將自心體認。終是學而不思。則因。故教以知之之法。知之是自心所明處。不知是自心所不明處。為知者。自道是知。為不知者。自道是不知。

自心原見得分明。更無瞞昧。是知也。謂卽此是知。三字提喚。最爲直截。其他一切學問。不過此知中之法塵耳。此處正須掃除。乃爲這機。不得又扯來補綴。

演夫子說。由呵。我教你個知的方法。你心下曉得的。自認做曉得。心下不曉得的。自認做不曉得。這會分割的是甚麼。正是你的知也。你不要自心錯過。

商

子張學于祿。子曰。多聞闕疑。慎言其餘。則寡尤。多見闕殆。慎行其餘。則寡悔。言寡尤。行寡悔。祿在其中矣。

○何註曰。子張弟子姓顏。孫名師。

○測。于是干與之干。學于祿。乃以爲學于與乎祿。非盡操空質以

遜之也。但既有此心。稍稍有得。遂急於自見。必不知博取而約用之道。故夫子以學告之。多聞多見。或攷究古先之載籍。或親就當代之名賢。皆是空疎之識。無以爲闕。且慎張本。故凡要多疑。始是從我心下察究。覺得有信不及。放不穩處。姑且置之。闕如空闕。不把來算在間。凡數內也。其餘是將疑殆揀出其所餘剩。卽不疑不殆者。慎言慎行。於臨言行時。更加謹慎耳。尤字。照疑字看。我心裡旣信得過。人心裡亦信得過。庶幾少了尤。悔字。照殆字看。起頭原自心安。後來有何不安。庶幾少了悔。聞與尤行處亦有見與悔言處亦有。今各就相近一邊分言之。祿在其中。與餒在其中一例。皆謂所求在此。所得反在彼。不相謀而

相值之意。寡尤寡悔。只是要盡我學問中事。何心於得祿。然周禮賓興之典。不外於德行藝祿。自不出此言行而得。故謂之在其中。在字。正與干字相對。干如韓昌黎之三上書相門。在如夫子溫良恭儉讓以得之。總一爲學。總一得祿。只爭個以學就祿。以祿就學。便天地懸絕。

演子張做學的事。便要干與着祿。夫子教他說祿倒不消得干。你但多聽些好話。於那心下疑感的。且闕起着。其餘已信得過的。又謹慎說出來。便人都信得你過。自少了怨尤。多見些好事。於那心下危殆的。且闕起着。其餘已放得穩的。又謹慎做出來。便你也自心安穩。自少了懊悔。是這樣說的。少了尤做的少了。



悔。本只爲着學問。然言行好的。該得舉用。祿就在這言行裡面了。

商吳德鑑問。時說謂子張篤多。故教以博而約收之意。重闕與慎。進答曰。如此何不直說。寡聞闕疑。寡見闕殆。○張再應問。寡尤寡悔。單指疑殆。有似遺了慎餘。豈尤悔全不關於不愼耶。答曰。含疑殆外。更愼些甚的。○呂星微問。夫子平日只教人敏行。未嘗教人愼行。如云敏於事。敏於行。過其行。此獨言愼行者何也。答曰。學問之行。主於敏。應酬之行。主於愼。○汪德浦問。在中二字。覺難理會。答曰。昔錢德洪與魏良政輩。從陽明先生講學。其父心漁翁。疑有妨舉業。先生云。不特無妨。乃大益耳。學道者。

於舉業譬之治家服食器物皆所自置欲請客出所有享之日用不窮今之爲舉業者如貧家請客供具莫不遍借借亦不備客去則還終作一婁人而已明年錢梗魏良政並發解江浙此最可玩。

哀公問曰何爲則民服孔子對曰舉直錯諸枉則民服舉枉錯諸直則民不服○何註曰哀公魯君也

測民服定非刑威驅迫得的必民心道我所行果是方纔肯心服蓋是非之心人皆有之雖當身或昧而旁觀必清直者是曰是非曰非枉者以是爲非以非爲是舉是於衆人中舉出加於百姓之上凡上而默替可否下而聽斷曲直俱係此輩人在百

姓利害相關耳。目交屬故服與不服。於此攸分。錯謂安置於彼。不舉便是錯。錯的人多。故加一諸字。

〔演〕哀公問說。怎麼作爲。使得民輸服。孔子對說。舉用那直的人。諸凡枉的都錯置了。這與衆人的心相合。民便輸服。舉用那枉的人。諸凡直的都錯置了。這與衆人的心相反。民便不輸服。

〔面〕

季康子問。使民敬忠以勸。如之何。子曰。臨之以莊。則敬。孝慈則忠。舉善而教。不能則勸。○何註曰。康子魯卿季孫肥。

〔淵〕敬忠是敬忠於我。以勸是卽以此敬忠互相勸勉。康子發問。止有敬忠二邊。夫子歸其責於上。故三平對之。臨之以莊。卽是

敬的模樣。孝者所以事君。樹標可以作則。慈者所以使衆。因施  
可以得報。故得民之忠。勸是相勸於善。善者愈加求進。不能者  
亦欲企及。

演季康子問。要使民敬。忠君上。以此相爲勸勉。該怎麼樣。夫子  
說。臨蒞他把個端莊。民就恭敬。孝親慈幼。盡了我爲子爲父的  
道理。民就忠愛。舉用那善的。又教誨那不能的。民就互相勸勉。  
要使民只在自盡。

〔商〕

或謂孔子曰。干奚不爲政。子曰。書云。孝乎惟孝。友于兄弟。施於有  
政。是亦爲政。奚其爲爲政。○那疏曰。書周書君陳篇。

測孔子不仕必有所爲當時季孫意如逐昭公薨於外立其弟定公受制意如不能討賊則孝友缺然以下文証之或必爲此也君陳篇云惟爾令德孝恭惟孝友于兄弟克施有政此雖帶友言而從孝說起故止云孝乎也言惟其能孝親又友愛故能以此施於所有之國政是亦爲政是字指孝友謂孝友正是爲政的實事矣其爲爲政上爲字指居官謂何必居政之虛位乃爲爲政此卽政者正也之意言外便見居其位卽宜行其事若不行其事便不宜居其位了

演或人向孔子說子怎麼不去居官以爲政夫子說書中云孝乎惟能孝順父母又友愛于兄弟因能設施於所有的政事書

中是這等說可見這個孝友及人卽便是爲政了何須居官爲之纔算做爲政

商

子曰人而無信不知其可也大車無輓小車無軌其何以行之哉

○邢疏曰大車牛車輓轅端橫木以轉輓駕牛領者也小車駟馬車軌者轅端上曲鉤衡以駕兩服馬領者也

測不知與何以口氣一猜度一詰問緊緊相爲呼應人字下用一而字爲轉語則人字亦儘着力謂之人便子臣弟友家國天下無時無處不與人相往還若做人一味虛假使人無可憑準縱有掀揭天地之才牢籠一世之術怎麼去使故以不知其可虛揣之輓軌以駕牛馬者車若無此便與牛馬不相聯屬將何

所憑藉以行。此只就車說。而無信意自在言外。

〔演〕夫子說做個人。若沒了信。實教人作不得準。不曉得他怎麼使得。只看大車沒了輓。小車沒了輓。把甚麼去行之哉。

〔商〕

子張問十世可知也。子曰殷因於夏禮。所損益可知也。周因於殷禮。所損益可知也。其或繼周者。雖百世可知也。

〔測〕夫子嘗說夏禮。學殷禮。周禮。今夏殷之禮不存。而周禮見在。其中所載。不過六官之典。如官制田賦禮樂兵刑之類耳。凡一代之興。卽有一代制作。豈能劈空做起。必竟以前代禮制作一底本。是謂之因。前代聖王立法未嘗不善。而傳之千百年後。積

漸將來不能無弊。以故又有損益。凡前代勢重者到積極不返。後必爲之裁抑。以損其有餘。前代勢輕者到積微不振。後必爲之培植。以益其不足。故所損所益。卽觀其所因之禮而可知。如春秋時諸子百家爭鳴。書籍煩典。處士橫議。人文極盛。了秦遂有坑焚之禍。至漢興除挾書律。人專一經。轉相傳授。如伏生申公之類。文學漸久。又盛矣。又如周以封建弱國。秦懲之夷爲郡縣。及到漢復懲秦孤立。大封同姓。卒名七國之變。後又爲分王以削弱之。以此類推。損益循環。無有窮極。又豈特十世。雖觀百世。有如指掌矣。此所爲只是制作。若國祚則云其或繼周有不。敢自謂能知者。然刪書而以秦晉繼帝王之後。若預識周之爲。



秦代何也。至誠前知。此恐未易以拘備管見。妄爲臆度。

演子張問十世道等長久。也可預先曉得。夫子說。道有個看法。當初殷繼夏。卽因襲夏時制作的禮。其中所減損。所增益。就夏禮看來。便可曉得也。周繼殷。卽因襲殷時制作的禮。其中所減損。所增益。就殷禮看來。便可曉得也。自今以後。設或有繼周的。只照周的樣子看來。雖是百世道等長久。亦可預先曉得也。這有何難事。

而徐世淳問。禮指三綱五常。指制度文爲。照註疏分釋。何如。答曰。禮字。見有周禮可考。不必多辯。且所損益所字。指着何所。非承上文禮字。語意便無着落。

子曰非其鬼而祭之諂也。見義不為無勇也。

淵一是不當為而為。一是當為而不為。胸中各為禍福二字所驅使。故非其鬼者。不是祖宗及應祀神祇。與我没相干的。見義是明看得道理合當如此。

演夫子說不是自家的鬼。反去祭他。這是求福為諂媚也。明見得該做的義。却不去做。這是怕禍沒有勇力也。

商

### 八佾第三

孔子謂季氏八佾舞於庭。是可忍也。孰不可忍也。

○何註曰。魯以周公故受王者

禮樂。有八佾之舞。季桓子僭於其家廟舞之。邪說曰。謂者。許論之稱。佾。列也。天子八佾。諸侯六。大夫四。士二。八人為一列。八八六十四

民之一

人諸侯六六三十六人大夫四四計共八人士二二四人舞男室方  
行列此或即每行人數亦宜減

則此是就舞佾景狀聳動他休惕之心出來。下節是就歌詩語  
句挑醒他羞惡之心出來。兩處都不把名分與他較。全從心苗  
中去鈎剔。佾訓列天子八佾。大夫四佾。每行人數如其佾數。庭  
是家廟之庭。光景全在八佾舞於庭處。如人看戲。做到關目傷  
情處。便欲悲欲涕。不勝動情。今以天子象功昭德之具。舞蹈於  
我廟庭中。儼然臨其上者。是何等人。對此真令毛髮俱竦。肉骨  
不安。如何可忍。可忍者。心下好忍得過也。此處可忍。便至弑逆  
大故也。看得不在心上。更何處不可忍。季氏原未嘗有不安之  
心。又去忍住。然夫子偏不認他無此心。正就他麻木處。痛下一

針

演孔子私下說李氏把天子的八佾舞於自己廟庭裏這等的事心下一定難過他還好忍得再有那一件事不好忍季氏心腸怎的這等硬

商

三家者以雍徹子曰相維辟公天子穆穆奚取於三家之堂○何註曰

三家謂仲孫叔孫季孫雍周頌臣江篇名天子祭於宗廟歌之以徹祭

測三家者者字言三家這一起人雍徹是歌雍詩以徹祭相謂助祭辟公謂諸侯引雍詩不獨道助祭的是諸侯主祭的是天子三家所無而穆穆語意更可玩天子聲色不動端拱於內真

有有平顯若的氣象。今這一夥僭名犯分嘴臉。不知怎麼去裝模倣樣。有取於此詩。只摘雍詩二語。醒問他不必明言。自有深味。

漁記者記三家這夥人。把雍詩來歌了。收拾祭祀的物件。夫子說歌便繇你歌。只是詩裡有兩句話。說道相維辟公。天子穆穆。這辟公天子的光景。不知有甚麼取義。歌於三家的堂內。

面

子曰人而不仁如禮何人而不仁如樂何

測不仁卽上忍心禮樂卽上舞佾歌雍人心於名分所在少有踰越便十分過意不去。這是不忍的仁心。以此達之登降揖遜。

便爲禮。宜之舞蹈詩歌。便爲樂。若人而不仁。方蔑裂乎名分。禮正是提防名分的。兩者如何合得來。方恣睢乎意氣。樂正是銷銼意氣的。兩者又如何合得來。如有人於此。本要凌鏢人。乃反茂拱大揖。做謙虛的套數。本要嫉妬人。乃反和顏悅色。做親愛的套數。你道像也不像。如禮何。如樂何。言沒奈何。雖在那裡用禮樂。枉自多了一番勞碌。禮樂有甚相干。

〔演〕夫子說。做人若不仁。心下忍得過。便一味要偕強。怎奈這謙讓的禮何。做人若不仁。心下忍得過。便一味要競氣。怎奈這和順的樂何。

〔商〕

林放問禮之本。子曰：「大哉問。禮與其奢也，寧儉；喪與其易也，寧戚。」  
[淵]本字不出上面仁字。當時僭禮樂者，皆起於心之殘忍。林放  
或有見而問，未可知。大哉問，稱其有關於世道也。奢在用度，侈  
靡過儉，在用度省約。過喪亦是禮，以其切於人情。尤易心下反  
求，故特爲舉似。易是容易，將喪禮做成格套，舉起便是。若不打  
要緊一般。戚是蹣跚哭泣之類。奢易儉戚，都不是本。但人有是  
維分愛親之心，必先從儉戚起，方逐漸流到奢易，則儉戚去本  
近。奢易去本遠。然此義不明言，玩與其字，寧字，乃就中較量而  
本自見。

[演]林放問禮的根本在那裡。夫子說：「這問與世道有千絲大哉。」

問你要曉得本。但把禮來比量。若用度恁地奢侈。則寧可在省儉一邊。禮裡面單把喪一件來比量。若做作恁地容易。則寧可在哀戚一邊。就中便好推箇本出來了。

〔通〕余應桂問。儉與本如何分別。答曰。辟之樹。本是根。儉戚是幹。斧易是枝葉。曰。夫子何不將本明告他。曰。他曉得問本。胸中豈沒些見識。只消如此較量。便點頭應腦了。曰。儉固不是本。戚則在心。還更有甚麼本在。曰。你道父母死了。爲甚麼要戚。曰。只是戀着父母。放捨不下。曰。這不是戚的本麼。〔○〕陳文鴻問。觀禮之用。和爲貴。是以和爲本。老子禮者。忠信之薄。是以忠信爲本。禮云。章朱註。以敬爲本。諸說不一。何以獨指仁言。答曰。和原以用。



言非本也。若忠信與敬都可作本。但夫子論川禮樂說個不仁。他日告顏淵又云克己復禮爲仁。禮爲仁之條目。仁爲禮之本。原兩者相關似夫子本意原是如此。曰仁與禮如何體貼。曰親愛長上是仁。把這親愛行得有條理是禮。

子曰夷狄之有君不如諸夏之亡也。

測

〔漢〕夫子說夷狄雖有君。見在他的規矩。還不如諸夏遇着變故。沒有君的時候也。

〔商〕

季氏旅於泰山。子謂冉有曰。女弗能救與。對曰。不能。子曰。嗚呼。曾

謂泰山不如林放乎。○何註曰冉有弟子冉求時仕於季氏

淵旅祭山之名諸侯祭境內山川泰山非季氏所常祭者嗚呼  
嘆其不畏神明無知妄做真可憐憫其可憐意正在下句林放  
尚知問禮之本夫神聰明正直而豈者豈反不知禮不如林放  
既知禮則僭禮質神必在所罪非止不享而已者大可害怕故  
以嗚呼哀之

演季氏要去祭泰山夫子私下向冉有說你是他臣子難道不  
能收止麼對說不能夫子說這事真可憐憫嗚呼林放還曉得  
問禮的本難道泰山神明不曉得禮倒不如林放麼

商

子曰君子無所爭必也射乎揖讓而升下而飲其爭也君子

○通義曰

孔那註疏以揖讓而升下爲何朱子以揖讓而升爲何總之以揖讓二字其下言揖讓而升揖讓而下揖讓而飲也射必有耦凡耦各服其所安服袒決遂而立堂下階之東南隅西而射時耦同出大西而揖讓當階北而揖行至階下北而揖然後升堂海而當序而立於物以射所謂耦進三揖而後升堂也射者各發四矢以較勝負揖而復位俟衆耦升射畢司射命設豐於兩楹之西勝者之子弟流解酌酒奠於堂上勝者乃揖不勝者升堂三揖至階勝者朱升堂少有不勝者至堂北而坐取觶立飲與揖不勝者先降凡飲而實主勸酌必拜以送爵今不勝者自飲而無送爵勸飲之意以是爲罰也始射而升堂既射而復位射畢而飲是三節事或謂下而飲是下堂而飲又云離去射位而飲皆非是

淵無所爭是君子與人體彼我俱作平等觀沒有所在與人

爭競要尋他爭必須是射揖讓而升下而飲一氣讀揖讓二字

貫到底射禮每三人爲一耦將射時由位及階行至階下各一

揖共三揖。然後升堂。是揖讓而升也。於是發矢以射。射畢。一揖而下。堂復位。是揖讓而下也。衆耦都射畢。勝者與不勝者。又照前三揖。升堂。不勝者自取酒。立飲。示罰。是揖讓而飲也。升下飲。揖讓。共有三節。射乃較勝負。本是相爭。却又再三揖讓。畧不動一毫氣。便爭也是君子。此不必補。君子依舊無爭。只要是個君子。雖爭也無害。

演夫子說。君子的人。再沒有所在與人爭競。要尋他的爭競。除非是射麼。然他却揖讓升堂。方纔射。射完了。又揖讓下堂。等待衆人都射完了。又揖讓那輸的飲酒。似這般。兩下賭輸贏。還只一味揖讓。他便有爭競。畢竟是個君子。

商

子夏問曰巧笑倩兮美目盼兮素以為絢兮何謂也子曰繪事後

素曰禮後乎子曰起予者商也始可與言詩已矣○何註曰倩笑貌盼動目貌此

上二句在衛風碩人之章其下一句遠也朱計曰倩好目貌也素粉也絢采色繪事繪畫之事

測巧笑美目就是素倩盼就是絢巧笑美目上自然生出倩盼

來不消粉飾素就當得絢了子夏不是解他字句不出乃是問

他意義所在先有素地方能加繪畫是繪事必後於素詩人本

說素即是絢而夫子却說素可為絢乃會意解法也禮與繪事

一樣則禮之先必有個素在禮如升降揖遜儀文度數之類先

乃人之素心也夫子原曉得世間所行的禮都不是而此時偶

未動念。被子夏一道破。連自己心下亦覺豁然。故謂爲起予。正許其可與言詩。子夏之問。是不打要緊問。夫子之答。亦是不打要緊答。惟忽然想到禮上。於口頭說話內發出一段道理來。方見善悟。若說他問時先有重質之意。則反把悟處看呆了。此禮亦卽左傳所謂儀也。非禮也。若夫子平日所論之禮。原自該本在內。

演子夏問說。巧笑倩兮。美見盼動兮。質素以爲絢彩兮。把素質就做了絢彩。是怎麼緣故。夫子說。你只看繪畫的事。必後於那素地。有素方做得絢來。子夏說。這樣看來。世上裝飾的禮文。正與繪事一般。都應是後邊的。莫不還有個素在麼。夫子說。我

倒不曾想着那禮。你說起來。連我也心動。起發我的是商也。學問惟詩最含蓄難解。似你這般會悟。方纔好與你說得詩了。  
商方朝鼎問。註謂子夏疑以素爲飾。夫子答以繪事後素。似相照應。今謂問其意義。則夫子之答。反若不論所問矣。答曰。看上巧笑倩兮二句。分明謂有此素質。不消粉飾。便當得絢。蓋作詩者。原要過爲形容。如靡有孑遺之類。夫子之答。正不以文害辭。不以辭害志。善於訓詩者。○顧若矜問。或謂詩之教。欲人黜浮崇雅。夫子所言。後素意在重質。而子夏遂悟及繪後。所以許他言詩。答曰。近日看書者。專執個意見去揣摩聖賢。不知當日師弟相與口頭問來。亦卽口頭答去。有甚重質之意。難道夫子時

時立一主意在胸中。待人猜度。你要長。我要短。抑何意必之多。  
子曰。夏禮吾能言之。杞不足徵也。殷禮吾能言之。宋不足徵也。文  
獻不足故也。足則吾能徵之矣。

〔測〕凡前王制作。正後王損益所藉。原該存之以備參考。杞爲夏  
後。已淪東夷。固不足徵。宋爲殷後。當時列國尚有因之問禮者。  
戴公時。得商頌十二篇於周太師。孔子刪詩。卽亾其七。則雖存  
亦多零落。總謂之無徵耳。杞宋旣不足徵。夫子能言。何從得來。  
蓋識大識小。列國未必無人。如問於老子。其弘剡子之類。而他  
處載籍。亦或有可互見者。夫子零星湊集於胸中。自能會成一  
代之典。但只是杞宋文獻皆不足徵。說來也沒人信。爲可惜耳。



獻字卽作憲典之憲看。

演夫子說夏的禮制我會傳說得。但杞爲夏後不足徵驗我的言語。殷的禮制我會傳說得。但宋爲殷後不足徵驗我的言語。這是爲他文籍獻典都不足的緣故。若是足時我就將他文獻來徵驗我言語人自然取信。怎肯把夏殷禮制都任他埋沒了去。

商曹觀文問時說周之文原本於夏殷之忠質。到文勝時初意盡失。故夫子欲借夏殷以挽之。正是從先進意思不然別朝的典禮存他作甚。答曰。本文止說夏禮殷禮。謂何又扯個周禮來。若謂先朝典禮便可廢置。我國家大明會典已備。何用存唐。

宋諸史總之一朝制作自不當泯那裡定爲本朝方增慨慕

管東溟曰文獻之獻與憲同謂文之垂於世而可爲典則者也

子曰禘自既灌而往者吾不欲觀之矣

○邢疏曰魯禮三年喪畢而祫於太祖明年春禘於

祫廟自爾之後五年而再殷祭以達乎初始入祀新死之主又當與先君相接故禮因是而爲大祭以審序昭穆故謂之禘禘者諦也言使昭穆之次審諦而不亂也祫者合也文二年八月傳曰大祫者何合祭也其合祭奈何毀廟之主陳於太祖未毀廟之主皆升合食於太祖是也三年一祫五年一禘禘所以異於祫者毀廟之主陳於太祖與祫同未毀廟之主則各就其廟而祭也○類考曰禘禮九獻灌乃一獻二獻之禮也禘前十日典瑞共灌獻之珪璋禘日夙典室中近北陳饗鬯有鬱人掌灌事和鬱鬯以實養而陳之將灌則王服衮冕而入奏王夏后服副禕從士而入奏齊夏次乃尸入則奏肆夏王以圭瓚酌羊羹之鬱鬯以授尸尸受之灌地祭之以降神乃啐之奠之此求神之始也是爲一獻后乃以璋瓚酌黃燹之鬱鬯以亞獻尸尸亦祭之啐之奠之是爲二獻灌以求神謂之二始自後王始迎牲入奏昭夏縣三獻至於九獻王酌王爵后酌琖爵饌饋既殊而樂奏亦異此大禘之禮也

測不欲觀之故。或謂成王賜伯禽以禘祀。周公爲非禮者。或謂魯惠公時。使宰讓請禘於平王。僭禮在末世者。或謂魯躋僖公於閔公上。以弟先兄爲逆祀者。或謂灌後行禮。君臣誠意懈怠者。其說紛紛。難以懸斷。總之孔子口中。不曾說出爲甚麼。且只虛講禘有九獻。先是天子酌酒授尸。以灌地。纔爲一獻。自既灌而往。則從祭起到結末。都是不欲觀的了。其不欲觀之故。自在言外。

演夫子說。禘是極大的祭。起初擺列齊備。一心貪看。不料自灌地降神行起。直到臨完。我只是沒些意趣。全然不要看了。商程問世間。夫子不欲觀。諸說紛紛。還是那一件道着。答曰。正

不說定爲那一件。件件俱可該得。

楊用修曰。禮記明堂位曰。成王以周公。有勲勞於天下。命魯公世祀。周公以天子禮樂。樂備魯。頌閟宮。傳遂絳。此以解皇皇上帝。皇祖后稷之文。程子曰。成王之賜伯禽之受。皆非也。其論正矣。其事則未之詳考也。按呂氏春秋。魯惠公。諸郊廟之禮。於周天子。使史角往報之。所謂天子答平王也。使成王果賜伯禽。則惠公又何復請之有。其曰天子使史角往報之。蓋亦未之許也。平王猶之不許。而謂成王之賜乎。禮祭統又曰。成王康王。賜魯重祭。成王既賜。康王又何加焉。此蓋不能自掩其僞矣。然則魯之階禮。何始也。春秋閔二年。書禘於莊公。禘之階。始於閔也。僖三十一年。書四卜郊。郊之階。始於僖也。魯頌閟宮三章。首言乃命魯公。俾侯於東。錫之山川。土田。附庸。無異典也。其下乃言周公之孫。莊公之子。以及於饗祀。不忒。皇皇后帝。皇祖后稷。蓋魯自僖公始有郊祀。而詩人頌之。則其不出于成王之賜。益明矣。故禮記載孔子之言曰。杞之郊也。祀禹也。宋之郊也。祀湯也。魯之郊。祿非禮也。當時魯之君臣。悉天下議已。乃借名於成王。伯禽以掩天下之口。魯之兩僑。遂作明堂位。以文其過。魯頌曰。白牡騂剛。白者。殷之色也。宋之郊用之。宣也。魯用之。何義。魯之君臣。必私謂後世有王者起。以僭分討。魯則以宋爲解。若其果受

成子之賜則遂用周之赤色矣。元儒許白雲亦嘗考魯郊廟之事。不出成王之賜。然以程朱嘗引言之。終不敢議是敢於非周公孔子而不敢於非宋儒也。學者膏肓之病也哉。

或問禘之說。子曰不知也。知其說者之於天下也。其如示諸斯乎。指其掌。

測禘之義。其祭立始祖之廟。乃追祀始祖所自出之帝。以始祖配之。又合羣毀廟之主共祀一堂。古人祭祀必思其居處音容笑語。如身親見他一般。此在近世祖宗。或曾奉事他過。或曾聽人傳說祭時。尚可想像至數世以前。連人也不知怎麼樣的。直欲與之精相爲感。有如親見。這段意義真難明白。卽夫子說來。或人也不會領畧。只索對之以不知。於天下不是治天下。乃謂

普天之下。事物繁多。不易明了。若解說得禘出。則於天下事理。了然目前。就如示諸斯一樣。此可見禘祭是天下第一難明的了。示者。物來呈示於我。不是我去視物。夫子因斯字。不曾說明。就把掌來指與他看。

演或問禘祭的解說。夫子說。禘的禮制。意義深遠。我實不曉得。也若曉得禘祭解說的。他胸中十分明白。於那遍天下事情。就像把他看這個一般。夫子說了示斯。因自指其手掌。

商

祭如在。祭神如神在。子曰。吾不與祭如不祭。

測祭神句。增一神字。則知祭如在。是祭祖先。祭義云。入室儼然。

必有見乎其位。周還出戶。肅然必有聞乎聲容。出戶而聽。愾然必有聞乎其嘆息之聲。可見古人祭祀。真如身親見之。不像今人只擺列些喫飯拜幾拜便是。這光景。就人心亦可想得。凡人只除眼裏不曾見過。便罷。若曾看見過。不要說是祖考。就是廟中泥塑木雕的神。心下一想。便如在我眼前一般。然此只繇自心。何又假祭祀。蓋內緣必與外緣相結而成。若無外緣。則內緣無所憑依。若無內緣。則外緣亦爲虛設。故不與祭。便如不祭。正見祭時。必不可無如在之見也。

演記者記祭祀祖宗。就像祖宗見在面前。祭祀神明。就像神明見在面前。夫子常說。我若祭祀時。身子不得親與祭祀。見他來。

格的光景便就像不曾祭祀的一樣

商鄭君愛問。如在只是心裏想像。未必便實感得鬼神來格。答曰。常人不可知。聖人則必能使格。觀孔子聽琴於師襄。謬然思。蹙然高望而遠眺。云丘追得其人。近黜而黑頤然長嘯如望羊。奄有四方。非文王其孰能爲此師襄。子避席對云。君子聖人也。其傳云。文王操。夫孔子與文王隔世。又不知師襄所彈何操。只一聽琴聲。便能見其面貌。則於鬼神豈不真有可見者在。

王孫賈問曰。與其媚於奧。寧媚於窻。何謂也。子曰。不然。獲罪於天。無所禱也。

○邢疏曰。王孫賈衛大夫奧室內西南隅其處雖尊而閒靜無事。室者飲食之所。雖處卑賤爲家之急用。

○測媚與二句。世俗之言。以喻分尊不如權重。而賈舉以爲問。未



知其意何屬。總之擇媚於神。卽非正道。故夫子舉天以壓之。不然者。媚與媚竈。都不是筭天。卽上帝。至尊無對。我若獲罪於天。更無處可以禱免。人知祭臨有天在。而趨炎附勢之熱腸。亦可冰消矣。

演王孫賈問有人說與其媚於奧。寧媚於竈。奧尊竈卑。用媚反異。這是怎麼說。夫子說這媚與媚竈的筭計。全然不是。人舉頭有個天在。若自己取罪於天。再沒處好禱告得也。媚與媚竈有何用。

商徐時泰問。不然是說媚之言不合道理。若謂非筭計。似屬禍福邊。答曰。子看獲罪於天二語。還是論道理。論禍福。曰。在禍福

邊說曰既如此則於不然二字又何疑

管東溟曰獲罪於天二語從姤與姤竄說來則此大明指上帝為百神之主宰福善禍淫之柄者也與竄其能達諸使天而可以理訓則與竄亦可以理訓矣燔柴之饗不亦虛乎宋儒窮二氏因果之說為不經乃併虞書肆類於上帝與周書后稷文王所配之天與上帝而俱幻視之雖其德行仰不愧天而其流能使君子中人亦如小人之不知天命而不畏因而狎大人侮聖言以為固然弊亦不細此非關疑慎言之道也

子曰周監於二代郁郁乎文哉吾從周

訓監是監視謂周之制作看了夏商的成規斟酌損益務求至當者此即周因於殷禮之禮乃六官之制也易物相雜故曰文事事有個條理而經之緯之不相紊亂所以為文郁郁即文的景象這個文隨時漸增如唐虞之世視無懷葛天盛矣夏商之

世視唐虞又盛矣。至有周而六官之制最爲詳盡。其文正到極盛處。此非德化之有加。而風氣日開故也。迨至周季。弁髦初制。人都爲史。爲奢。爲不遜。歌雍舞佾。請隧請纓。紛紛僭妄。全是一團粗率之氣。那可言文。譬之花。成周以前。如薤而未吐。或吐而未開。成周時。如花正開。鮮妍奪目。周末則彫殘滿地。不復可言花矣。夫子看了當時。置陵詬詈。習氣追想。周初盛時。好光景。故有從周之說。此卽憲章文武意。

演夫子說。周初的禮制。看了夏殷。斟酌損益出來。從質上加飾。真郁郁乎文彩哉。這樣好制度。如今那裡有我。只是依從着周。商方如麟問。一說謂周末文勝。夫子言周監二代。正以夏尚忠。

商尚質。將忠質來挽回文勝之意。答曰。文何常不重。易云觀乎人文以化成天下。夫子於堯云煥乎其有文章。於已云文不在茲乎。論學亦云博文重質之說。並無証據。若質勝文便失之野矣。總之風氣以漸而開。人文以漸而盛。觀子云。虞夏之文不勝其質。殷周之質不勝其文。則質在商已不及文。安得謂商所尚質。至忠則在心。何可亦對文質而言。夏所尚也。此乃漢儒之言。不足爲據。○洪應麟問。周之文固可從。而聖人不得位。無制作之權。亦不得不從。使夫子得位。則損益四代。如夏時殷輅。周冕韶舞。決不專於從周也。答曰。衆皆拜上。夫子獨拜下。豈亦是不得不從。若得位不專從周。則須應運而親操制作之權。方得不

然恐亦未可也。

子入大廟每事問。或曰：此謂鄉人之子知禮乎？入大廟每事問，子聞之曰：是禮也。○何註曰：鄉，孔子父叔梁紇所治邑。

測太廟以祀周公者。夫子平日或攷究於載籍，或博問於識者，固是預先曉得。至入廟時，則凡器數儀文之屬，實未嘗親見。故夫子於禮說他不知，也不是說他知也不是。蓋知原有聞而知，有見而知，平日只是聞而知之。此時正以所聞証於所見，乃見而知之也。不曾見過的，原該問。問就是禮記云：入境問禁，入國問俗，入門問諱。可見入廟問禮，豈不是禮。

演夫子初入太廟助祭，凡事見了，件件問過，或人譏他說：那個

道邾人的子曉得禮哩。他到太廟裡一些也不會。件件去問人。夫子聽了說。因不曉得去問人。這正是應該的禮也。

商洪嗣彥問一說。惟天子有太廟。魯僭非禮。故夫子以問禮動魯人。使循名責實。自悟其失。覺論頭更大。答曰。夫子於宗廟固便便言者。使果謂非禮。何不明說。而爲此腹誹。況夫子始仕時。不過一陪臣。觀或人云。邾人之子。忽易可知。隱諷之間。那便能傳聞魯君。感動得他。此等意見。正如三家村漢說朝廷事。何其鄙陋。○柴世培問。是禮也。若除去朱註敬謹之至。所以是禮處。畢竟謂何。答曰。要知是禮。實不外敬字。如入國問禁。敬其君也。入門問諱。敬其主也。但此乃所以然之故。非口氣中道及。

子曰射不主皮爲力不同科古之道也

〔測〕鄉射禮文曰射不主皮能射穿皮固好然却不專主穿皮力是人生成的如何做一個科則齊得但取巧足破的德足比禮便是說個古之道也有撫今追昔之意。

〔演〕夫子說射只要中不定要穿皮正爲人的氣力有強弱不同一個科則這樣尚德不尚力真好風俗乃是往古所行的道也

〔商〕

子貢欲去告朔之餼羊子曰賜也爾愛其羊我愛其禮

○邢疏曰

〔測〕告朔於邦國鄭玄曰天子頒朔於諸侯諸侯藏之祖廟至朔朝于廟告而受行之牲生曰餼

〔測〕告朔乃尊君親的大典餼羊則告朔所用者魯自文公始不

告朔而羊猶供。故子貢欲去他。蓋國家有一費。必有一用。無用之費。雖小。宜節。子貢亦是一見。賜也。字不虛下。有惜其所見不大之意。此羊原爲行禮。看他是虛費的。便所愛在羊。看他是行禮的。便所愛在禮。同一羊而見有不同。非兩物也。說個愛禮而指望挽回紹復之意。自在其中。不必添入。

〔演〕子貢見魯國供了餼羊。不行告朔。要去那告朔的餼羊。夫子說。賜也是個有見識的人。爾倒爲了虛費。愛惜那羊。我還爲着告朔。愛惜那禮。

〔商〕汪調鼎問。時說俱謂去羊是有激。今講何以反從舊時惜費之說。答曰。不要看得一羊爲小費。旣供之自民。其間圍牧之耗。



輸納之勞胥吏之賄至不可言。即今北地供馬一匹。價值幾何。常至破人家產。往在南都。見一浙人來輸絹。不過十餘疋。乃經縣內庫。分外誅求。守候數月。至稱貸以償。安見曩時無此賠累。况魯國王當虛耗之日。於此搜剔一番。亦是節用之一道。聖賢所見。雖大小不同。而無非爲國。何必曲爲附會。

子曰事君盡禮人以爲諂也

測禮有截然不易之矩。過則爲諂。不及則爲亢。今恰好盡得這禮人。倒以爲過了。蓋當時以臣亢君相習成風。凡鞠躬盡瘁。俱道是不消得的。非有意裝埋人。而所見如此。若另一番世界。另有一種議論者。大有慨世之意。此只是泛說。不必認在夫子身上。

〔演〕夫子說禮是從古不易的事。君只竭盡那當然的禮。如本人便道過當。指爲諂媚也。這議論如何解。

〔商〕

定公問君使臣。臣事君如之何。孔子對曰。君使臣以禮。臣事君以忠。○何註曰。定公魯君諱。

〔測〕禮以維分。雖體貌加隆。而定分自截然不易。節制之意。隱然寓於其中。忠乃根於本心。而不徒以貌爲恭敬者。

〔演〕定公問說。君的使臣。臣的事君。該怎麼樣。孔子對說。君使臣要把那品節的禮。臣事君要把那腹心的忠。各有箇自盡方法。〔商〕王五咸問。忠在本心。則禮亦宜在心上講。答曰。外邊有禮。必

繇於心心裏果忠必見於事二意原可互見。豁心與事爲兩說者皆不明道理的俗說。

子曰關雎樂而不淫哀而不傷。

○詩曰關關雎鳩在河之洲窈窕

之窈窕淑女寤寐求之求之不得寤寐思服悠哉悠哉輟轉反側參差荇菜左右采之窈窕淑女琴瑟友之參差荇菜左右芼之窈窕淑女鐘鼓樂之

則關雎申公說詩謂文王之妃太姒思得淑女以克賓御而供祭祀賓客之事朱註謂宮人於后妃始至美其有幽閑貞靜之德而作二說未知孰是然此所重不在詩只在樂關雎之詩歌於樂章而管絃應之如歌關字亦吹彈此關字歌雎字亦吹彈此雎字聽了聲音便可知他情性樂是求得淑女時在暢快一

邊易至於淫蕩哀是未得淑女時在憂思一遠易至於慘傷今能樂不淫哀不傷其聲優柔和平犁然可聽所謂關雎之亂洋洋乎盈耳者也

〔演〕夫子說關雎的樂音奏起來覺得他快樂而不到那淫蕩覺得他哀戚而不到那慘傷其好情性

〔商〕施惟中問夫子只說關雎二字今講專主樂說有何所據答曰關雎之亂洋洋乎盈耳哉便是一証曰關雎覺在詩上說更好體貼曰子自試就書本中誦讀其詩詞爲感動人抑當演樂時聽他聲音觀他舞蹈爲感動人

哀公問社於宰我宰我對曰夏后氏以松殷人以栢周人以栗曰

使民戰栗子聞之曰成事不說遂事不諫既往不咎

○朱註曰宰我弟子名予

五十八

〔測〕社是爲壇塲以祀后土其制有墻垣無屋宇中多植木周禮云各以其野之所宜木哀公問社疑是單問植木之意故宰我以三代之木對公羊何註云松猶容也想見其容貌而事之相猶迫也親而不遠栗猶戰栗敬謹貌既謂之敬謹則是使人望其木而起敬卽如過墟墓興哀入廟朝思敬意宰我之對未必不是夫子所言不知何故武者當時魯社有錯未得周人敬謹之意而宰我因事納規勢實難挽故夫子引成語以開曉之成是事已做成遂是雖未成決定要做的既往則已做過頭此卽現在未來過去三意說是陳說其是非諫是力爭其行止咎是

追罪其得失。

廣哀公問社的制度於宰我。宰我對說。古時立社都種樹木。夏后氏用的是松。殷人用的是柏。周人用的是栗。周人的意思說。使民望了那栗。便勸他戰栗。不敢怠慢。宰我說話必有緣故。但那時社制已定。縱錯不易改更。夫子聽得了說。見做成的事。不須去辯說。決要做的事。不須去諫諍。已做過的事。不須去追咎。總是沒益費這唇舌怎的。

商柴父鈐問魯社若果做差。便不須說。則國家事可究竟糊塗。平答曰。此要看做差的事。若差了有害。改之有益。便須要說。差了不關大事。改之反有害。則不如不說。○方可亮問成事三句。

有欲指三家威權已成不可輕動而哀公柔懦雖言亦不能自振此說似於上下文義相貼得來答曰既指三家則使民句何以說民而不說臣臣民安得無分辨况宰我果是隱諷哀公意自有謂孔子尚沐浴朝告豈謂柔懦便不須說大抵看書要知有次解不上者只以疑詞寬看亦自虛圓有味若必求的確則定須附會一見而穿鑿難通矣

子曰管仲之器小哉或曰管仲儉乎曰管氏有三歸官事不攝焉得儉然則管仲知禮乎曰邦君樹塞門管氏亦樹塞門邦君爲兩君之好有反玷管氏亦有反玷管氏而知禮孰不知禮○說苑曰桓公以政歸管仲仲築三歸之臺以自傷於民○那說曰管仲齊大夫管夷吾屏謂之樹人君別內外於門樹屏以蔽寒之大夫當以簾蔽其

位耳。反坫反爵之坫在兩楹之間。人君與隣國爲好會其獻酢之禮更酌。酌畢則各反爵於坫上。大夫則無之。

測夫子嘗以如仁稱仲明是大其功了。器小只在量上。惟器量不廣有此功業。便不免盈溢。卽下不儉與僭禮。雖非實訓。器小而器小亦於此可見。三歸臺名。攝兼攝其事。樹塞門設屏以蔽內外。反坫反爵於坫上。

演夫子說管仲的器量容受不廣小哉。或人說管仲器小想因惜費不捨得用。莫不是儉麼。夫子說管氏有三歸的臺。官所理事不相兼攝。這都要費財。怎能得儉。或人又說建臺備官想都因禮不可缺。莫不是知禮麼。夫子說那君爲樹屏塞門障蔽內外。管氏也樹塞門。那君爲兩君好會有反爵的坫。管氏也有反



站分不該的都去做了。管氏這等人若曉得禮，那一個不曉得禮。

商唐時問有這一分器量，方做得這一分事業。管仲既器小，如何有一匡功業。想他人品卑污，卽功業亦僞而不足道者。答曰：立功不於濟世之心，不有其功，本於忘己之量。如仲之功，固夫子所深嘉，而仲之不忘其功，亦夫子所深惜。惟其嘉之至，所以惜之深。功大器小，不妨並論。果如後儒所評，則夫子何以有如仁之稱。微管之嘆，徒執一身之小潔，掩其蓋世之大勲，似未平心不忍置口。○虞宗政問：或人以仲爲僞，因爲器小。至知禮則斤斤守禮規模，不潤大亦似根器小。來今謂此句從不儉而發。

恐未免話上纏話。答曰。禮經緯天地。豈得以知禮反爲器小。凡兩下問答。漸漸說開去。亦是常事。那見末後言語。定根着開首一句。像如今做時文一般。

子語魯大師樂曰。樂其可知也。始作翕如也。從之純如也。敝如也。釋如也。以成從如字讀。○何疏曰。大師。樂官名。○廣韻。翕。合也。純。粹也。增韻。純。不雜也。通作醇。梅福傳。一色成體。謂之醇。廣韻。敝。明也。敝也。又珠玉白貌。說文。釋。抽。絲也。从系。𠂔聲。

〔測〕樂已殘缺失次。而云可知者。照下翕純敝釋看來。是其聲音節奏。猶可聽而知。樂記云。審聲以知音。審音以知樂。是也。翕。訓合。乃衆音翕然並作。從之。是接連着始作而不間歇也。旣翕了。便易攪雜。如鼓鐘之聲宏。簫管之聲細。兩者初不相諧。純則衆

聲和成一派。更沒有不合腔的。縱雜在內。既純了。又容易相混。如簫管之聲。常爲鐘鼓所掩。敝則聲聲各別。更無有一聲聽不出的。既敝了。又容易斷續。如鐘鼓奏不隨管來。簫管又奏不隨鼓來。釋則如抽絲。衆音互相聯絡。更無間斷。此乃一時而衆妙俱備。非有先後。卽從釋如內聽之。又必敝如純如矣。以成言如此。純敝釋方成個樂。不如此便不成樂了。只聽此音聲。便曉得樂。故謂樂其可知。

〔演〕夫子語魯太師樂說。樂的妙處。就他聲音。自可曉得也。試仔細去聽。始初作時。那衆音一齊並舉。有個翕合的模樣。卽跟前作將去。就翕合裡而。他却許多聲。湊成一派。相和不雜。有個純

一的模樣就純一裡面却又每一聲自爲一音。件件分曉。有個明徹的模樣。就明徹裡面却又此音湊着彼音。互相接續。有個絡繹的模樣。似這般音韻。方纔成得個樂。

〔商〕吳孔嘉問。翁純嘏釋乃太師素所從事者。奚待夫子之言而後知。答曰。何代無樂。何代無樂官。其節奏豈盡能合法。曰。樂中自有精義。夫子何不以告他。但說這聲音。曰。精義須有所屬。聲音是虛的。如韶樂有韶的精義。武樂有武的精義。此顯其制樂之人何如耳。若翁純嘏釋。則韶武俱有。凡作樂的俱不可廢。○洪度問。觀舜樂九成。武樂六成。此以成還是一終之意。答曰。所引九成六成。如記云。始而北出。再成而滅商等。是做一節完。名

一成做兩節完。名再成。若翁純嘏釋。則一成再成。乃至九成俱有。安見此專指一成。况將一成爲訓。則以成以字。如何可貼。曰。以成固是結上。純嘏釋。還要就聲音上討個妙處。方見得他成就。曰。夫子已說純如嘏如。釋如許多妙處。還道沒有妙處呢。

儀封人請見。曰。君子之至於斯也。吾未嘗不得見也。從者見之。出曰。二三子何患於喪乎。天下之無道也久矣。天將以夫子爲木鐸。○邢疏曰。儀。封人。衛國儀邑。魯封疆之人。禮有金鐸。木鐸。鐸是鈴也。其體以金爲之。明者有金。木之異。知木鐸是木。石也。周禮教鼓人以金鐸。通鼓人司馬教旅旅。兩司馬執鐸明堂位云。振木鐸於朝。是武事振金鐸。文事振木鐸。此云木鐸。施政教時所振者。所以振文教是也。

○測玩封人請見之詞。言外有自己平日見賢之殷。及賢者不重

絕他俱隱然可味。文事振木鐸是要夫子以德禮開導天下。單以設教言似貼切。但言何患於喪分明是失位。天下無道分明是失位。道不得行則爲木鐸。以設教實該有得位意在內。將字乃且然而未必之辭。語甚活落。

〔演儀〕邑封人請見夫子說。凡是君子到這地方。我一定蒙他接納。再沒有不得見面的。從者因引他入見夫子。及至見了出來說。二子們何消愁着目下的喪失。只看如今天下不成個道理。已長久了。天難道忍得恁然不理。殆將要夫子去設教喚醒世間人。把做個木鐸。

〔商〕孟師尹問。木鐸照夫子終身看似只是主文教而不必兼得。

位。答曰：口氣中原不必說得位。若究其實，則亦不礙。夫子果不必得位，便只安安坐洙泗杏壇講解些道理，發了何消周流列國。無君則皇皇，卽如相魯三月，便羔豚不飾饋，男女別於途，難道不相畧能得。假使夫子得位行道，天下也如此一樣了。蓋無位則信從我的方可教誨，不信從的便化他不得。有位則借政令以施德化，文教方行得廣。所以夫子之欲得位如此，二三子之望夫子如此，則封人之慰安，二三子亦如此。今人做官只曉得要銀子，好做人家帶紗帽，好驚壓人，別沒個爲天下爲百姓的念頭。將小人心事來看聖人，所以講言得位曰：封人大有識見的。如此看，則夫子不得位，封人不虛語麼？曰：你道封人

之言不驗便沒見識看夫子到臨終方說明王不興而天下孰能宗予當時周流一生不早休歇難道也是沒識見

子謂韶盡美矣又盡善也謂武盡美矣未盡善也

○書經帝曰夔命汝典樂詩言

志歌永言聲依永律和聲八音克諧無相奪倫神人以和夔曰受  
皇鳴球搏拊琴瑟以詠祖考來格虞賓在位羣后德詠下管鼗鼓  
合止祝歌笙簧以間鳥獸詠韶蕭韶九成歌歌來儀變曰於子繁  
石拊石以節舞庶尹允諧○禮記樂記曰昔者舜作五絃之琴  
以歌南風復始制樂以賞諸侯韶樂也○禮記孔子曰夫樂者象  
成者也德千而山立武王之事也發揚蹈厲太公之志也武亂皆  
坐周召之治也且夫武始而北出再成而滅商三成而南四成而  
南國是疆五成而分周公左召公右六成復綴以崇天子夾振之  
而駟伐盛威於中國也分夾而進事蚤濟也久立於殺以待諸侯  
之至也

測美見於聲容善是美之實亦不離聲容看出美者聲之輕重疾徐中乎宮商容之緩兆俯仰合乎度數是為盡美乃舜武之



所同者。韶以繼爲義。蓋取紹堯致治。其中遜位命官。與夫九功。惟叙九叙。惟歌。真有雍容廣大意思。或以象武功之成。如總干山立。自一成以至六成。皆代紂戡亂之事。未免有上揚蹈厲氣象。這是盡美未盡善之分。然口氣中却不明說。

演夫子嘗說。帝舜的韶樂聲容都合着節度。盡美了。美裡邊更覺雍容廣大。意味悠長。又盡善的說。武王的武樂聲容也都合着節度。盡美了。只美裡邊還覺發揚蹈厲。意味稍露未盡善些。商方士亮問。韶武之盡善不盡善。朱註兼揖遜征誅及性反言。蓋樂原以象功。昭德。且孟子亦言堯舜性湯武。反則德原有別。今但言揖遜征誅。而不及其德。何故。答曰。樂中如紹堯滅商等。

原只象功而不及其德。蓋德難以形容。卽於功處可見。

子曰：居上不寬，爲禮不敬，臨喪不哀，吾何以觀之哉？

（邇）凡居上者，下邊無數人倚靠着他，必要人人包得在我度內，方好。若有一人置之度外，便挾隔了。這寬乃是寬容，非姑息之寬。居上爲禮，臨喪是外面格套寬敬，哀正是其中實落處。有實落的在裡面，方好。從外面看出他來，若無此，則以何物去觀看？何以有詰問之詞也。

（遠）夫子說：居上位的不寬廣，爲禮文的不恭敬，臨喪事的不哀苦，這樣便都是個虛套子。叫我把個甚麼去觀之哉？

（面）

里仁第四

子曰里仁爲美擇不處仁焉得知

謂里仁乃一里俱仁厚。緩急相周。德業相勸。人若居在裡面。不惟可相爲資藉。亦且有好樣得看。故謂之美。擇者。不定是擇仁。里乃擇所處之住居也。今人於住居。誰不要擇好的。然多爲生利。而仁里反未必處。雖擇了。還是錯。故以不智喚醒其所擇。益就人情上挑動之耳。

〔演〕夫子說。同里住的。大家仁厚。得他互相資益。最爲美好。人若揀擇住居。倒不處在仁里。便算計全然錯了。怎得爲智。

〔商〕吳文熾問處仁時講多就心上說。答曰。看一里字緊接一擇

字明是直言擇里。夫子也是穿衣喫飯住房子的人。難道到處都只說心體。再沒些世情上的話。

子曰。不仁者不可以久。處約不可以長。處樂仁者安仁。知者利仁。  
測不仁者與仁者。知者對看。有此三種人。知亦是能知此仁者。  
總只仁與不仁之別耳。仁乃人心中一團生趣。得此則如陽和到處。  
一切陰沉愁慘之氣頓消。此是人生討受用處。仁者知者。  
心下會受用這仁。故曰安。曰利。常得逍遙。不仁者心下不會受用這仁。  
便長被境緣顛倒。故久約久樂。都成煩惱。約在收歛一邊。  
凡事不得舒展。樂在暢快一邊。凡事都得如意。不專指貧富。  
不可久處者。心下挨不日子過也。不仁的人暫時收歛。還好忍。

耐日子長久，便覺十分束縛，鬱悶難堪。如今沒學識的人，要他衣食節制些，人情世故體面上好看的事，少做些，他定道沒光采，沒意味，難以度日了。又使暫時適意，非不快活。日子長久，厭厭起來，番覺苦惱。如今富貴的人，博奕飲酒及諸戲耍的事件，件去做，躲他中無自得。故以此許多閑事，打諢過去，及至興盡意索，還更淒然。總是日長難遣，無聊之故耳。兩不可久處。專在他當下本心自受用處說，濫與淫，又是難過後生出來的。安仁是他心與仁爲一，安適在仁上，利仁是看得這仁有便宜，貪利着他，既安且利，何等受用。又安問約樂哉。

〔演〕夫子說不仁的人，心裡沒個自得的所在，約束久了，既鬱悶

過不得日子不可長久處約。快樂久了。又厭厭過不得日子。不可長久處樂。那得有受用處。惟獨那仁者。他一心安適在仁上。知者他一心貪利在仁上。這兩種人。比會討受用。

商鄭尚友問不仁之人。依久約必濫。久樂必淫。似更切實。何故只在自心上說。答曰。舉個仁者知者。原爲不仁者作榜樣。安仁利仁。旣從自心受用處說。則不可處約處樂。亦當從自心說。方纔彼此有情。淫濫未嘗不是。但在向後一着耳。○陳錫章問。安仁利仁。亦似有淺深。答曰。安原好過利。但此處有不仁與仁知相對。不必又將仁知較量。

子曰。惟仁者能好人。能惡人。

測此要看惟仁者三字。仁者以天下爲一體。見人有好處。就如自身有感。飾一般愛護他。見人有不好處。就如自身有垢穢。一般嫌憎他。真是心裡割不下手。裡止不住痛癢。相關白不容已。若是不仁的人。與天下看得冰冷好也。與我沒相干。不好也。與我沒相干。與人無涉。落得自討便宜。那裡肯用好惡。非全無好惡。所好惡只徇己私。不因人起念。卽與其人無干。故獨以能好惡人而歸之仁者。

顏夫子說。惟獨仁者的人。看人的好歹。便如自己一樣。好處捨不得。會得喜。好人不好處。容不得。會得憎惡人。

商

子曰苟志於仁矣無惡也

〔測〕此是提宗學問。人心不好念頭。那一時沒些萌動。若在惡上掃除滅得。東邊西邊又起。有何了期。人只要立志。志向果在仁上。則一心定着。不得兩念。那惡念自冰消霧釋。何處可夾他進來。苟者。或然之辭。着力在志字矣。字而不在苟字。

〔涵〕夫子說人苟能立起志來。定要向着這仁。更不去分心了。便別念夾不進去。自決沒有惡的念頭也。這方法最直截。

〔商〕

子曰富與貴。是人之所以欲也。不以其道得之。不處也。貧與賤。是人之所以惡也。不以其道得之。不去也。君子去仁。惡乎成名。君子無終。



食之間。違仁造次必於是。顛沛必於是。○廣韻造至也。周禮大次小次。若今更衣處。左傳凡師再宿爲信。過信爲次。廣韻顛仆也。沛滂沛。

〔測〕富貴貧賤。以道衡來。總只一樣。謂何富貴不以道得。則不處。貧賤不以道得。又不去。要討求他原故。只在人之所欲。人之所惡。上富貴是人情。大家欲的。我若處了。必至攘人以所有。故須把道來作平合道的纔處。不合道的。便不處。貧賤是人情。大家惡的。我若處了。必至推人以不堪。故連道不必作準。合道的。固不去。不合道的。也不去。此是克己的大節目。雖不言仁。而仁已寓於其中矣。故下直接以君子去仁。惡乎成名。成名者。卽成其爲君子也。君子正對上欲惡之人。欲惡若與常人一般。何以爲。

出類之君子。是個君子。他必有存仁的功夫。終食之間。乃吃一餐飯時候。違者背而去之。終食不違。猶言穿衣吃飯。都在仁上。無一時放下念頭。造訓至更衣爲次。驟然一過。爲時極其忙促。顛如物之仆倒。而不能站立。沛如水之滂沛。而不能久流。猶盲傾危也。兩必於是。皆着力之詞。如拳拳服膺。弗失之意。正不要說做自然的。蓋惟君子時時把仁在胸中提醒。別是一副肺腸。故所欲的自在仁。所惡的自在不仁。豈肯同人之欲惡。此是生平常用功夫。上不去不處。乃於臨境更加簡點耳。

○顏夫子說。富與貴。是人情所欲的。我須克除這欲。不以道得。便不處他。貧與賤。是人情所惡的。我須克除這惡。不以道得。也不

去他。若君子去了這克除欲惡的仁。怎麼成得個君子。既是君子。他一心只在仁上操練。與他做成一個。沒有一頓飯閒。違背這仁。就是遇着造次極忙促的時候。也必定於是仁。遇着顛沛極傾危的時候。也必定於是仁。念念皆仁。那有心情向到富貴貧賤處。

商。蕭士瑋問。人之所欲所惡。人字原通已在內。則不處不去。只克已便了。謂何又說向人上去。答曰。人字原該已在內。故云克已。然明有人字。焉得又丟去了人。含糊不說。要曉得已。謂何當克。富貴若非人共欲。何必拂我之欲而不處。貧賤若非人共惡。何必拂我之惡而不去。甚至道字。亦不全作準。只爲要通人情。

若人情可通。則欲立立人。欲達達人。便無己之可充矣。曾文僉曰。人情通處。便是一體之仁。想此意卽從下面仁字照出。曰是。蕭士瑋曰。仁字亦何必定說到一體。只處了非道富貴。此心便貪昧隱忍。卽不得爲仁。曰。孟子言惻隱羞惡辭讓是非。心有四樣。纔說貪昧隱忍。又近於羞惡辭讓邊。於惻隱終不切。曰。夷齊求仁得仁。亦只完得辭讓一節。却便仁了。曰。夷齊正爲體父子兄弟。兩下不忍居國。只得辭讓了去。若單爲辭讓。則世之讓國者。亦不獨夷齊矣。何不槩稱之爲仁。○沈名世問。處富貴不定。是奪了人的。謂何說恐攘人所有。答曰。富貴旣不合道。豈是自然而至。定是謀幹得來。縱未必交手換手。而有幸而得者。卽有。

不幸而失者。以仁者之心視之。總與攘人無異。曰。去非道貧賤。却與人無干。曰。要去貧賤。便須謀富貴。二事原是一套的。王文垣曰。既因人之欲惡。我便不處不去。則君子止該貧賤。不該富貴了。何爲合道的富貴又處。曰。合道便與人不相妨。况君子居於民上。則能使天下各遂其欲惡。若不揣本而齊末。將賢君果與民並耕而食矣。曰。貧賤之人。雖欲富貴。幾曾使得富貴。此固去之不可得者。怎見君子方能不去。曰。世間貧賤的人。那個便肯安於貧賤。○魯大奇問。造次顛沛二句。原是申足上意。今謂是着力語。恐於無終食句。反覺輕了。答曰。單說無終食之間。違仁。則下二句自可該得。今又申說造次顛沛。正謂此是個緊要。

關頭恐有走作。故說兩必於是。教人緊要處着力。若是自然。而然何須下個必字。曰。然則無終食違仁。亦須用力乎。恐有力可用。卽功未入化。不得言無違矣。曰。此句語氣渾然而用力意亦該。夫子尚發憤忘食爲之不厭。豈得謂終食無違便無力可用。常惺惺法。聖人所不廢者。且夫子立言多是教人用功。談玄說妙。非其旨也。以下二必字照看自見。

子曰。我未見好仁者。惡不仁者。好仁者無以尚之。惡不仁者其爲仁矣。不使不仁者加乎其身。有能一日用其力於仁矣乎。我未見力不足者。蓋有之矣。我未之見也。

〔測〕好仁惡不仁。不是兩項觀其爲仁矣句。則惡不仁亦是爲仁。

所以下文只說用其力於仁。人之良心不死。或平旦之清明。乍見之感觸。豈無一念好仁。一念惡不仁所在。但不曾實落在身上。做得故。夫子感嘆說。我未見好仁者。惡不仁者。無以尚者。儘力向著這仁。雖極世間可誘可慕之事。再沒有加尚得他的。惡不仁。仍以好仁爲主。故帶着其爲仁矣。說來不使加。亦卽爲着仁之無可尚。但就不仁邊。更一提撕耳。說一身字。見好仁惡不仁。實落在身上。做不是。心下空空想像。一日者。以前不消有所積累。有所因緣。只是一日之間。奮發起來。正見其容易下手。用其力於仁。乃實落去好惡。而必使之無尚不加也。有能矣乎字。是指望人做。而未必其然之辭。人若能一日用力於仁。心上要

無尚不加。便會無尚不加。力卽是我自己的。並不向外取米。那見有不足者。蓋有之矣。又翻上意。謂用力的。疑或有之。但我實不曾看見。蓋不敢以所見絕天下。而猶有庶幾一遇之意。

〔演〕夫子說。我不曾見好仁的人。惡不仁的人。好仁的。不是空空喜歡。盡情向在這仁上。再沒有甚麼可加。尚得他惡不仁的。不是空空憎惡。一面去做這仁了。再不使那不仁的。加到身上來。世間人果有能一日間。用其力於仁矣乎。這只在自已身上。我未見有力不足的。然天下難道都是自棄。蓋或用力的。也有之矣。但我自來實未曾見。使我眼望徒穿也。

〔商〕張殷甫問。惡不仁。總是爲仁。則說一好仁便了。何必又說惡



不仁答曰。好仁是大主意。惡不仁是逐事簡點法。爲其不合於仁。乃惡之。總以行其所好者。功夫要須周匝。故爲並舉言之。○王師濟問。一日用力於仁。與欲仁。仁至同否。答曰。同而異。欲仁。仁至是一念提醒處。提時便來。不提便放。只可指點本體。當不得實落受用。一日用力。是着實功夫。雖費氣力。却是我受用所在。是用力於仁。可該得欲仁。仁至欲仁。仁至該不得用力於仁。子曰。人之過也。各於其黨。觀過斯知仁矣。

測過是無心之失。黨者。同類。忠厚的人。便過也。向在忠厚一邊。刻薄的人。便過也。向在刻薄一邊。各於其黨類。此處正須觀看。不可忽過。仁乃心事之仁愛也。秦西巴放麋。本爲違命。而反取

其不忍。以爲太子傅。正善於觀過知仁者。

蓋夫子說人的過失。各向着他黨類忠厚的。與刻薄的。原不相同。只觀那過的黨類。便可曉得他心中的仁愛了。過不可一槩素他。

商湯自新問。一說過以無心而失。正其真心發露處。與有心矜持者不同。故可以觀仁。似亦透人。答曰。此訓過與仁相關處。果佳。但於各於其黨句。無着落。故不專注此說。

子曰。朝聞道。夕死可矣。

則道乃吾人無始無終之本性。不與形爲存亡者。此固在人心下領悟。而所以印證者。須藉有道之當機一提。如一貫之唯一。

般。故有取於聞。可死者。死生有盡。而道無盡也。然所以可死之故。夫子却不明言。只是要提醒世人。急於聞道。說早起聞得道。晚間就死亦可。若不曾聞道。則生時既虛了一世。死將來長夜漫漫。正不知去向。如何可死得。卽蘇文所謂復有賢者而後可以死。彼管仲者何以死哉之意。

〔演〕夫子說。人若早起聞得那無始無終的道理明白。便是晚間就死。也使得了。倘這道理不明。如何死得。

〔商〕柴世基問。昔人問朱子云。道只是事理之當然。聞了如何便死得。朱子答云。曉得時。生也是個道理。死也是個道理。基心終不豁然。朱子常說。人死則散歸太虛。未知道理頓放何處。且死

是生人定有的事。願明示一可死因。繇免得夫子的言語。千古  
蒙昧。答曰。宋儒論死生。只指個形氣。到死時。形自然要消。烟氣  
則散歸太虛。這兩句都說得是。却還少了一件。方如騏曰。他還  
把理來作主。曰。理卽是事理之當然。予中庸解言之已詳。此只  
是虛位。怎麼來論得死生。曰。形氣上還有一件是神。曰。正是。今  
且問你。這神還是朽的。不朽的。還是隨着形氣的。不隨着形氣  
的。柴世埏曰。神氣兩個分不開。是隨着形氣的。曰。隨着形氣。如  
何身體在這裡。心又會想到他處。曰。身體經歷過。纔會想起個  
影子。畢竟是形氣爲緣。曰。你道形氣爲緣。則身所未經歷處。或  
聽人傳說。怎麼也想得去。曰。心雖然想去。這裡將他身子打一

下。又會覺得痛。神到底還在形氣上。曰。人只爲有這形氣來。便貪戀了。神之於形。如子母之不相離。打着如何不覺。直到死時。氣盡形枯。方只得捨了他去。且那打着能覺。卽所謂操則存。耳纔不操。又會亡去。那亡去時。你身子現在這裡。謂何不隨了心同去。旣形氣不能隨神同去。同來。則神又豈隨形氣同生同死。

○吳德鑑問。道果是何物。如何聞得便可死。答曰。道卽能聞之覺性也。這覺性人人都有。可想見得的。人試把心下一思忖。自今日以前。直追到洪荒時節。那一些事體。想去不明了。然只曉得過去的事。未來的便想不去。何以故。過去的有聞見可攀援。這還是覺性影子。若是真正覺性。則千古以前。千古以後。直可

通爲一息。所以人的身子。在世上有生有死。多不過百年。這覺性無生無死。再無有窮盡。故曰朝聞道夕死可矣。

子曰士志於道而耻惡衣惡食者未足與議也

「測道內有無窮趣味。衣食其最微渺者。既志向在道。那有心情管着衣食。况耻則又非却其惡者而不御。乃以爲不如人而微有慚色也。這是甚麼要緊。只因今人於世情撇不下。而皮挨不過。故雖高慕聖賢。希心道德。如鳳凰志在千仞。而猶爲腐鼠所嚇。日用不緊要處。忽然露一本情。在世人未必視爲大故。而夫子却十分看壞他。蓋志乃作意向前。耻乃無心偶露。作意猶可矜持。無心殆難針砭。根器不清。承受無地。故謂其未足與議道。

他日論好學而先於安飽之無求。正可與此互看。

演夫子說爲士的。志向已在道上。當是何等樣胸次。乃又羞耻着惡衣惡食。放不下臉來。這樣的人。他心下全不會討受用。且慢與他商量。

商王師濟問。苟志於仁矣。無惡也。士志於道而耻惡衣惡食者。兩志字何別。抑仁與道惡與耻。不可以例論耶。方如騏曰。志只一樣。仁與道須有分別。道字還寬說得。仁則便屬在心體上矣。方士亮曰。惡與耻亦大不同。耻是自己懷慚而惡則未免蓄害物之意。答曰。字義說來都是。但看書須體會語氣。他自有了語。有不了語。看苟志於仁矣矣字。便是了語。其志仁何等着力。士

志於道，是不了語。只好返斷。直到耻惡衣惡食者，着字方了。則意思還卸着下面去。上邊志於道，便是不着力。兩下語氣，原自不同。

子曰：君子之於天下也，無適也，無莫也。義之與比。○廣聞適從也。莫無也。左傳狄之廣莫。

測之於天下，說得最開廣。隨着將他身子放在那裡，適則從，無適乃心之無所向往也。莫訓無，無莫則又非決無向往，乃為無適，作轉語而脫卸在比義矣。比者，兩物相合而無彼此之間也。演夫子說君子的人，於凡天下憑他甚麼所在，沒有個適從的，也沒有個不適從的，只是應該的義，便與他比合做一處。



商

子曰君子懷德小人懷土君子懷刑小人懷惠

淵懷者懷抱卽詩所謂有女懷春。眠思夢想都在道上而直形容他精神情狀出來。德是理之得於心者。土是身之所安者。刑是刑法情惡做犯法的事。惠是恩惠。小人愛之以德反不喜歡。只指這些恩惠到他便好。惟刑何杯孟師尹解

淵夫子說人的懷念各不同。君子常念着居心的德。小人常念着安身的土。君子常念着公法的刑。小人常念着私恩的惠。從他注意處便是他人品路頭了。

商孟師尹問懷刑有謂是先民典刑不知此意已該於懷德內。

而懷刑只宜從刑罰上說人只見士大夫少有罹於法者以爲  
刑罰非所以論君子不知只是罰不及耳不是不犯如今做官  
的除俸薪外少取分毫及問人罪名少有不當皆有應坐之條  
就是做秀才的能一一守得卧碑上約束者有幾要通身不犯  
着刑亦是難事若君子豈肯犯而倖免只宜以刑罰解爲常答  
曰此最說得痛快

子曰放於利而行多怨

放如字讀

〔捌〕放者放將開去見得恩義便有個提防拘束着今放縱於利  
而行凡有便宜所在都要佔盡則人之欲利誰不如我必定多  
怨多字本放字來利多故怨亦多

演夫子說人若放縱於利一味做將去我得便宜處便是人喫虧處必多怨恨此是干係

商

子曰能以禮讓爲國乎何有不能以禮讓爲國如禮何

測禮者尊卑上下之體爲國自是廢不得但禮是虛套其中必有個遜讓心下自不肯僭越的意思禮讓二字雖連讀却重在讓字謂把那禮的讓去爲國爲國不是治國是教國人俱各遜讓遜讓原是易事何難之有若不能以禮的讓去爲國是以驕亢之心行遜讓之禮其奈此禮何如此講則上下直相呼應不必再補轉爲國了

滿夫子說人若會得把禮的讓去爲國我這樣讓教人也這樣讓相讓原是易事何難之有若不會把禮的讓去爲國禮只是個硬套怎奈那禮何

商吳應旻問夫子於禮讓下兩用爲國字則爲國之意亦自不輕況聖人說話常有意在言外不必補綴者卽在治國上講而於如禮何下不補綴何如答曰語氣有原不了者固不必補綴但爲國與治國字義實不同治則須要化成而爲則止於作使以爲字竟貼禮上自覺直截○史孝蒙問讓卽是禮之本否答曰禮之本是立於禮前者讓乃與禮一片生的分不得前後曰然則讓卽似和曰是

子曰不患無位患所以立不患莫己知求爲可知也

測得位方能行道。知己方能信我。君子以經世爲心。名位亦何可少。所以不當患的緣故。全在下二句。蓋位不是得官做便了。做官時政事民物待理於我。若沒識見沒執持。則前後左右。傍徨無措。毀譽利害。皆能動搖。如何立得脚跟定。惟患所以立。則得位固可展布。不得位亦自有可用之實。無位何須患他。已知不只是曉得我便了。既知時必要試驗我好處。若沒學問沒才能。將甚麼與他知。反不若人不知時。還可闊修漸造。求爲可知。則人知固可自見。卽人不知。其可知之具自在。何須患莫己知。所所患正是兩不患的主意。

演夫子說人不愁沒爵位。只愁所以立位的要預辦。不愁沒人知道。只求我的本事。可待人知道得。

商

子曰參乎吾道一以貫之。曾子曰唯。子出門人問曰何謂也。曾子曰夫子之道忠恕而已矣。

淵曾子平日三省其身。原從忠恕上做。但平時隨事用功。而未必能融會爲一。故夫子以隱語發其悟。參乎一呼。猛然喚醒他來。說天下事物有許多紛賾。我的道理。只是一件盡數貫通。將去一貫。或指心。或指理。亦近似。但夫子口中。政不要說破。待他將自己所得處來印證。譬如射覆者。置一物於覆中。教人猜。那

曾經放過的。便心下明了。其餘的人。政不知甚麼東西。及至拿將出來。却只是眼前物事。曾子亦是放過的人。夫子叫聲猜。就曉得了。直應曰。唯。蓋恍然悟此道原是平時日用。但未知其貫通之妙。而今得之也。信口答應。更無疑辭。其餘門弟子不能知。於是待夫子出後。問說何謂也。只道有甚稀奇。曾子說。夫子之道。忠恕而已矣。却是尋常道理。忠者。中心。恕者。如心中。和一致。而天地萬物。以位以育。忠恕原無處不貫。而已矣者。只這一樣。再無別樣。是極煞手語。這忠恕。在勉行爲學者。一貫在安行爲聖人一貫。安勉雖異。而一貫實非有兩。然曾子平日功夫。在忠恕上。做故所貫亦從忠恕證入。若千古聖賢。各提一宗旨。亦無

在不可貫通。

演夫子喚曾子說參乎。你曉得麼。我的道只是把一件貫通將去。沒有許多樣的。曾子心下陡然驚覺。直應說唯。夫子出去後。門人疑這話古怪。問曾子說。一貫怎麼解。曾子說。夫子的道有甚稀奇。只是那忠恕一片心。勝便了。更沒有別樣。

商熊飛問。一貫語。還是悟處傳心。還是迷時指點。如迷時指點。何能便唯。如悟處傳心。何更作此猜謎語。答曰。這也都說得。據他一呼就會應。即是悟處傳心。然未便自己道破。猶待夫子之呼。即是迷時指點。○陳曰。俱問。曾子聞一貫後。不云吾道。猶云夫子之道。豈道專屬夫子。學道者不敢自任乎。答曰。此是近日



奎子話蓋誤認前輩論文於虛字着精神之故。不知所謂虛字者。正於閑字襯貼處。相其神情。若執定沒緊要字眼扭捏。則將虛作實。不免更增一重魔障。○劉邦彥問。忠恕與一貫還是一是兩。如兩樣。則曾子豈謬以忠恕誣門人。如一。則曾子用多少苦功。方得聞門人何聞之易。答曰。在曾子看是一樣。在別人還是兩樣。曰。夫子只說一。曾子說忠恕却是兩個了。曰。難道只要數字不成。王昂曰。先儒云。無忠做恕不出。則忠恕縱非兩物。却有前後。若一貫本無前後。如何印證得來。曰。忠恕以所存所發分前後。却原只是一心。○趙光朴問。一貫不專屬忠恕。更有何物可貫。答曰。如堯舜之執中。文王之敬止。顏子之約禮。周

溪之尋孔顏樂處李延平之觀未發氣象二程之主敬陽明先生之致良知皆可貫得總之平日在此著力則證悟時亦卽在此得力

子曰君子喻於義小人喻於利

〔測〕喻猶曉也他心下只曉得這件更無他營卽同一事在君子看得這裡有個道理在小人看得這裡有個便宜所見亦各各不同

〔演〕夫子說君子的人只曉得個該做的義小人的人只曉得個便宜的利兩下自不相粘帶

〔商〕

朱子曰世間論於義者則爲君子。論於利者即是小人。而近年一種議論乃欲周旋於二者之間。則互委曲費盡心機。卒既不爲君子。而其爲小人亦不索性。亦可以謂誤用其心矣。

子曰見賢思齊焉。見不賢而內自省也。

〔測〕見只是偶然看見。於偶然看見時。便要思齊內省。討求實益。到自身上。

〔演〕夫子說偶然見着賢。便心裡思量。定要與他一般。偶然見着不賢。便自心裡省察。恐怕與他一般。再不把見處一些放空。

〔商〕

子曰事父母幾諫。見志不從。又敬不違。勞而不怨。

〔測〕易云幾者動之微。幾諫是諫於過之微動。不待形迹之著也。

惟諫於微處。故父母不從。亦默窺其志向。不待微色發聲。方知又敬者。服勞奉養。愈益小心。不敢違背着他。凡諫人過的。若破面爭執。便再難挽回。故須把過失放下。且順他意思。勞者父母使我以不堪的事。極其勞苦。我亦只是依順。再沒有嗟怨。如此則自始至終。一味將順。那裡見得是諫。直看大舜遇着父母頑。罵他何曾有一句說父母不是。只是祇載見瞽瞍。變變齊慄。這是又敬不違。即使之完廩浚井。亦只慕着父母。這是勞而不怨。而瞽瞍亦允若。畢竟被舜感化了。這正是善用幾諫的樣子。

○**湏**夫子說。事父母遇有過失。只就幾微處諫止他。若見他志向有些不從。便更加恭敬。不要違背他的意思。就是把不堪的事。

勞我我也只是喜歡並不嗟怨慢慢的去感動他

商竊鳳舉問有謂不違是不違吾幾諫之初勞是諫得委曲勤勞卽照上不違看答曰不違與不從相應親不從我我不要就違了他如何是不違自己的諫至於勞則舜之完廩浚井分明可證若人子諫親就是多費心力豈得言勞

子曰父母在不遠遊遊必有方

淵男子生而桑弧蓬矢以射四方焉得無遊明說不遠遊則非絕不遊第不遊於遠處耳遊必有方卽近遊亦必有個方所總是欲其音問易通緩急易赴也遊如問道經商皆得自繇者仕宦卽聽命於君然古人多有因養親而乞郡其爲就近可知

演夫子說父母在日。人子時常牽掛。不到遠處去遊。凡遊必有  
個方所。使父母好放得心下。

商

子曰。父母之年。不可不知也。一則以喜。一則以懼。

〔測〕父母之年。人子那有不知。只是不在心上。忽畧過了。知則常  
常醒覺。從年上見得他壽日增。則可喜。見得他年日過。則可懼。  
喜與懼。若各有所寄情。猶易遣。今喜的卽是懼的。兩念合在一  
處。又要他壽。又怕他壽。真難爲情。此形狀人子心事。最爲迫切。  
株柴世挺解

〔演〕夫子說父母的年紀。人子不可不醒覺也。但一醒覺。一面覺。

得他壽長。便把來喜歡。一面覺得他時短。便把來憂懼。

〔商〕畢登賢問時說有謂知父母之年。是察其顏色之盛衰。盛則可喜。衰則可懼。是否。答曰。惟喜懼在一念中交動。心下方難過。若分配顏色之盛衰。則喜自喜。懼自懼。情各有向。殊不見迫切之意。

子曰。古者言之不出。耻躬之不逮也。

〔測〕耻字。發古人慎言之心。古人言語常不出口。不是不會說。古人說一句。定要行一句。不逮者。行趕不言上也。以此爲羞耻。故不輕出。若句句行得來。便說又何妨。這不獨與人然。諾相許。凡講論道學。評品人物。口頭說得好聽。而身子未必能做。都是可

耻處。

〔演〕夫子說古時的人言語不出諸口。不是他不會說話。只爲羞慚。那說話過頭。躬行追趕不上也。

〔商〕

子曰以約失之者鮮矣。

〔測〕此是虛冒頭話。隨處可該。如爲學做事皆是約。對博看。務博的人。廣心浩大。照管不到。便是缺失。約則惟事收攝。才力也運用得去。精神也照顧得來。自然失處少。然博約不並舉。只爲人莽蕩多失。言此以救徒博之病。而義未全該。故不曰無失。而止曰鮮失。



演夫子說博約雖難偏廢。然單用簡約致取失錯的。大槩少了。  
守約終是得便宜。

商郭凝之問約字照約禮及反約等語看約就是要約功夫。鮮  
矣語氣雖從容。還是實言其無入答曰約禮必先博文反約必  
先博學。並脫不得博字。若單言約是對着博看務博的病痛多。  
務約的病痛少。

子曰君子欲訥於言而敏於行。廣韻訥遲鈍也亦作訥荀子其

測訥是將言放在內裏遲鈍而不口快。然只是訥言若不敏行。  
便是個畏首畏尾縮頭漢要他何用。故下一而字作轉語。而敏  
於行者又急急去力行也。此俱在心上要如此。故總貫以欲字。

演夫子說。君子的心。欲要藏訥於言。說的不上緊。而却又敏急於行。做的要上緊。

商

子曰。德不孤。必有鄰。

測德。是人所同得。所謂東海有聖人出焉。此心同此理同也。西海南海北海有聖人出焉。此心同此理同也。故德原是不孤獨的。必有鄰。乃由說德不孤。有德者。定有人考德問業於他。與之依附。就如鄰里一般。此卽舜之成都成聚。孔子之七十子從遊。皆可實證。非是虛論其理。

演夫子說。人所同秉的德。原自不孤獨。必定有同德的來相助。

與他做鄰侔。

商陸周行問。謹德爲人所同得。似泛論。據舊說。又似着在有德者身上說。答曰。本文只有德字。故只宜泛論此德。然有德之人。與此德。又豈有兩。○張作揖問。天下固有信心之士。在己無愧。而舉世非之者。必有鄰。似只虛論其理。答曰。從古有何人如此。試舉似一二。曰。易潛龍不見是而無悶。曰。仲尼亦是潛龍。何嘗無弟子信從。無悶只論在己爲學的心事。而其實非絕無見是也。

子游曰。事君數。斯辱矣。朋友數。斯疏矣。

測數。頻數也。或語言之瑣屑。禮文之繁瀆。求請之無厭。皆是事。

君交友固要相親然亦自有一定界限若至於數則無以起敬而反以取厭辱與疏不免了故禮云君子不盡人之歡不竭人之忠以全交也

〔洧〕子游說事君若頻數君必定藐慢他便羞辱了朋友若頻數友必定嫌憎他便疏遠了自處也須要適可

〔商〕孫胤茂問數字以忠告善道不可則止相證似單指言上答曰看書要以本文爲主如所證有忠告等字卽當在言上說此數字一無所指則所該自廣曰數字固不專主言然古亦有言之數而死者如龍逢比干輩難道因辱便不該言了曰數只是沒要緊處瑣屑若所關在宗社之大卽反覆言之亦不得謂之

數○柴世埏問朋友昵於親近似容易數若事君如何煩數答  
曰後世堂簾萬里親近誠難若春秋時體統未甚隔絕如楚文  
之於申侯謂予取予求不汝疵瑕則其君臣之易與可見